

山海經

漢書門			
九	九	八	〇
八	〇	八	八
二	八	四	八
冊	架	函	號

內閣文庫			
三	〇	九	〇
〇	九	〇	八
冊	架	函	號

小說二ノ四

內閣文庫			
番號	漢	9908	
冊數	2	(1)	
函號	309	85	

自一至三四五



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



天都黃曉峯校刊

山海經

槐蔭草堂藏版

山海經序

淺草文集

晉記室參軍郭璞撰

元

世之覽山海經者皆以其闕誕迂誇多奇怪倣儻之言莫不疑焉嘗試論之曰莊生有云人之所知莫若其所不知吾於山海經見之矣夫以宇宙之寥廓羣生之紛紜陰陽之煦蒸萬殊之區分精氣渾淆自相瀆薄遊魂靈怪觸象而構流形於山川麗狀於木石者惡可勝言乎然則總其所以乖鼓之於一響成其所以變混之於一象世之所謂異未知其所以異世之所謂不異未知其所以不異何者物不自異待我而後異異果在我非物異也故胡人見布而疑罽越人見罽而駭毳夫翫所

習見而奇所希聞此人情之常蔽也今略舉可以明之者陽火出於冰水陰鼠生於炎山而俗之論者莫之或怪及談山海經所載而咸怪之是不怪所可怪而怪所不可怪也不怪所可怪則幾於無怪矣怪所不可怪則未始有可怪也夫能然所不可所不可然則理無不然矣案汲郡竹書及穆天子傳穆王西征見西王母執璧帛之好獻錦組之屬穆王享王母於瑤池之上賦詩遣來辭義可觀遂襲崑崙之丘遊軒轅之宮眺鍾山之嶺玩帝者之寶勒石王母之山紀迹玄圃之上乃取其嘉木豔草奇鳥怪獸玉石珍珠之器金膏燭銀之寶歸而殖養之於中國穆王駕八駿之乘右服盜驪左驂

騅耳造父爲御犇戎爲右萬里長騫以周歷四荒名山大川靡不登濟東升大人之堂西燕王母之廬南轢鼉鼉之梁北躡積羽之衢窮歡極娛然後旋歸案史記說穆王得盜驪騅耳驂騮之驥使造父御之以西巡狩見西王母樂而忘歸亦與竹書同左傳曰穆王欲肆其心使天下皆有車轍馬迹焉竹書所載則是其事也而譙周之徒足爲通識瑰儒而雅不平此驗之史考以著其妄司馬遷敘太宛傳亦云自張騫使大夏之後窮河源惡覩所謂崑崙者乎至禹本紀山海經所有怪物余不敢言也不亦悲乎若竹書不潛出於千載以作徵於今日者則山海之言其幾乎廢矣若乃東方生曉畢方之

名劉子政辨盜械之尸王頎訪兩面之客海民獲長臂
之衣精驗潛効絕代縣符於戲羣惑者其可以少寤乎
是故聖皇原化以極變象物以應怪鑒無滯蹟曲盡幽
情神焉瘦哉神焉瘦哉蓋此書跨世七代歷載三千雖
暫顯於漢而尋亦寢廢其山川名號所在多有舛謬與
今不同師訛莫傳遂將湮泯道之所存俗之所器悲夫
余有懼焉故爲之創傳疏其壅闕闢其蕪蕪領其玄致
標其洞涉庶幾令逸文不墜於世奇言不絕於今夏后
之迹靡刊於將來八荒之事有聞於後裔不亦可乎夫
翳薈之翔巨以論垂天之凌蹶涔之遊無以知絳蚪之
騰鈞天之庭豈伶人之所躡無航之津豈蒼兕之所涉

非天下之至通難與言山海之義矣於戲達觀博物之
客其鑒之哉

山海經後序

左傳曰昔夏氏之方有德也遠方圖物貢金九牧鑄鼎象物物物而爲之備使民知神姦入山林不逢不若魑魅魍魎莫能逢之此山海經之所由始也神禹既錫玄圭以成水功遂受舜禪以家天下於是乎收九牧之金以鑄鼎鼎之象則取遠方之圖山之奇水之奇草之奇木之奇禽之奇獸之奇說其形著其生別其性分其類其神奇殊彙駭世驚聽者或見或聞或恒有或時有或不必有皆一一書焉蓋其經而可守者具在禹貢奇而不法者則備在九鼎九鼎既成以觀萬國同彼象而魏之日使耳而目之脫輶軒之使重譯之貢續有呈焉固

以為恒而不怪矣此聖王明民牖俗之意也夏后氏之
世雖曰尚忠而文反過於成周太史終古藏古今之圖
至桀焚黃圖終古乃抱之以歸殷又史言孔甲于黃帝
姚姒盤盂之銘皆緝之以為書則九鼎之圖其傳固出
于終古孔甲之流也謂之曰山海圖其文則謂之山海
經至秦而九鼎亡獨圖與經存晉陶潛詩流觀山海圖
阮氏七錄有張僧繇山海圖可證已今則經存而圖亡
後人因其義例而推廣之益以秦漢郡縣地名故讀者
疑信相半信者直以為禹益所著既迷其原而疑者遂
斥為後人贗作詭撰抑亦軋矣漢劉歆七略所上其文
古矣晉郭璞注釋所序其說奇矣此書之傳二子之功

與但其著作之原後學或忽故著其說附之策尾成都
楊慎

上山海經奏

侍中奉車都尉光祿大夫臣秀領校秘書言校秘書太常屬臣望所校山海經凡三十二篇今定爲一十八篇已定山海經者出於唐虞之際昔洪水洋溢漫衍中國民人失據崎嶇於丘陵巢於樹木鯀旣無功而帝堯使禹繼之禹乘四載隨山刊木定高山大川益與伯翳主驅禽獸命山川類草木別水土四岳佐之以周四方分人跡之所希至及舟輿之所罕到內別五方之山外分八方之海紀其珍寶奇物異方之所生水土草木禽獸昆蟲麟鳳之所止禎祥之所隱及四海之外絕域之國殊類之人禹別九州任土作貢而益等類物善惡著山

海經皆聖賢之遺事古文之著明者也其事質明有信
孝武皇帝時常有獻異鳥者食之百物所不肯食東方
朔見之言其鳥名又言其所當食如朔言問朔何以知
之即山海經所出也孝宣帝時擊磻石於上郡陷得石
室其中有反縛盜械人時臣秀父向為諫議大夫言此
貳負之臣也詔問何以知之亦以山海經對其文曰貳
負殺竊窳帝乃梏之疏屬之山桎其右足反縛兩手上
大驚朝士由是多奇山海經者文學大儒皆讀學以為
奇可以考禎祥變怪之物見遠國異人之謠俗故易曰
言天下之至蹟而不可亂也博物之君子其可不惑焉
臣秀昧死謹上

山海經目錄

第一

南山經

第二

西山經

第三

北山經

第四

東山經

第五

中山經

第六

海外南經

第七

海外西經

第八

海外北經

第九

海外東經

第十

海內南經

第十一

海內西經

第十二

海內北經

第十三

海內東經

第十四

大荒東經

第十五

大荒南經

第十六

大荒西經

第十七

大荒北經

第十八

海內經

山海經目錄

山海經第一

南山經

晉郭璞傳

飛龍圖
辰鏢圖

南山經之首曰雒山其首曰招搖之山臨于西海之上

在蜀伏山山南之西頭濱西海也多桂桂葉似枇杷長二尺餘廣數寸味辛白花叢生山峯冬夏常青

間無雜木呂氏春秋曰招搖之桂多金玉有草焉其狀如韭瓌曰韭音九爾雅云

霍山亦而青花其名曰祝餘或作茶食之不飢有木焉其

狀如穀而黑理穀楮也皮作紙瓌曰穀亦名其花四照

言有光燄也若木華亦其光其名曰迷穀佩之不迷有

獸焉其狀如禺而白耳禺似獼猴而大赤目長尾今江

禺作牛字圖亦作牛形或伏行人走其名曰狴狴食之

善走

生生禺獸狀如猿伏行交足亦此類也見京房易

麗麇之水出焉

麇音而

西流注于海其中多育沛

詳未佩之無痲疾

痲蟲病也

又東三百里曰堂

一作常庭之山多棧木

棧別名連其子似柰而赤可食

音刺多白猿

今猿似獼猴而大臂脚長儂捷色有黑有黃鳴其聲哀

多水玉

水玉今水精也

相如上林賦曰水玉磊砢赤松子所服見列仙傳

多黃金

又東三百八十里曰狻翼之山其中多怪獸水多怪魚

凡言怪者皆謂貌狀倨奇不常也尸子曰徐偃王好怪沒淡水而得怪魚入淡山而得怪獸者多列於庭多

白玉多蝮虫

蝮虫色如綬文鼻上有鍼大者百餘斤一名反鼻虫古虺字

多怪虵多

怪木不可以上

又東三百七十里曰柎陽之山

音紉其陽多赤金

多白金

銀也見爾雅山南為陽山北為陰

有獸焉其狀如馬而白首其

文如虎而赤尾其音如謠

孫

佩謂帶其皮毛怪水出焉而東流注于憲翼之水其中多

龜其狀如龜而鳥首虺尾

虺尾銳其名曰旋龜其音如判

木如破佩之不聾可以為底

底躡也為猶治也外傳曰木聲不可為一作底猶病愈也

又東三百里柢山

多水無草木有魚焉其狀如牛

陵居虵尾有翼其羽在鮭下

音亦作其音如留牛

狗謂此牛也穆天子傳曰天子之狗執虎豹

其名曰鱧

冬死而夏生

又東四百里曰亶爰之山

音蟬多水無草木不可以上

言崇有獸焉其狀如狸而有鬣其名曰類

或作髮或作髮白

為牝牡食者不妒莊子亦曰類自為雌雄而

又東三百里曰基山其陽多玉其陰多怪木有獸焉其

狀如羊九尾四耳其目在背其名曰搏訑博施二音施一作施

之不畏不知有鳥焉其狀如雞而三首六目六足三翼

其名曰鵠鵠鵠急性食之無臥使人少眠

又東三百里曰青丘之山亦有青丘國在海外水經云

其陽多玉其陰多青護勳屬音狐有獸焉其狀如狐而九

尾即九尾狐其音如嬰兒能食人食者不蠱噉其肉令人不

蠱毒有鳥焉其狀如鳩其音若呵如人相呼聲名曰灌灌或

漢佩之不惑英水出焉南流注于即翼之澤其中多赤

鱺音儒其狀如魚而人面其音如鴛鴦食之不疥一作疾

又東三百五十里曰箕尾之山其尾踰于東海多沙石

臨古躡字言音存沔水出焉音芳而南流注于清音音其中多白

玉

凡雒山之首自招搖之山以至箕尾之山凡十山二千

九百五十里其神狀皆鳥身而龍首其祠之禮毛言擇

其毛色也周官曰用一璋玉瘞半珪為璋瘞瘞也糝音糝用稌米音糝

神之米名先呂反今江東音所一音一璧稻米白菅為

席菅茅屬也音間

南次二經之首曰柜山音矩西臨流黃北望諸毗東望長

右皆山名英水出焉西南流注於赤水其中多白玉音尸

方折者有玉音折多丹粟音細有獸焉其狀如反有距其

員折者有珠音員

音如狗吠其名曰狸力見則其縣多土功有鳥焉其狀

如鴟而人手其脚如人手其音如痺未詳其名曰鵠音株其

鳴自號也見則其縣多放士放放逐或

東南四百五十里曰長右之山無草木多水有獸焉其

狀如禺而四耳其名長右以山出此獸其音如吟如人

聲見則郡縣大水

又東三百四十里曰堯光之山其陽多玉其陰多金有

獸焉其狀如人而彘鬣穴居而冬蟄其名曰猾褊滑懷

其音如斲木如人斫木聲見則縣有大繇謂作役也或

又東三百五十里曰羽山今東海祝其縣西南有羽山

即絲所殛處計其道里不相應似其下多水其上多雨無草木多蝮虫也

又東三百七十里曰瞿父之山音無草木多金玉

又東四百里曰句餘之山無草木多金玉今在會稽餘

縣北故此二縣因此為名云見張氏地理志

又東五百里曰浮玉之山北望具區具區今吳縣西南

澤東望諸毗水名有獸焉其狀如虎而牛尾其音如吠犬

其名曰彘是食人苔水出于其陰北流注于具區其中

多鱉魚鱉魚狹薄而長頭大者尺餘太湖

又東五百里曰成山四方而三壇形如人築壇相其上

多金玉其下多青釭闌水出焉音而南流注于一作流

虓勺虓音呼勺或其中多黃金今永昌郡水出金如糠

玉英

又東五百里曰會稽之山四方今在會稽郡山陰縣南上有禹冢及井其

上多金玉其下多硤石硤武夫石似玉今長沙臨湘出之赤地白文色龍蔥不分明

勺水出焉而南流注于澳音賜

又東五百里曰夸山無草木多沙石澳一作涓水出焉而

南流注于列塗

又東五百里曰僕勾夕一作夕之山其上多金玉其下多草

木無鳥獸無水

又東五百里曰咸陰之山無草木無水

又東四百里曰洵旬一作旬山其陽多金其陰多玉有獸焉

其狀如羊而無口不可殺也稟氣自然其名曰羸音還或音患洵

水出焉音詢而南流注于闕之澤音過其中多芘羸紫色螺也

又東四百里曰葍勺之山其上多梓柟梓山楸也柟大木葉似桑今作楠音南爾

其下多荆杞杞荀杞也子赤滂水出焉音滂沱而東

流注于海

又東五百里曰區吳之山無草木多砂石鹿水出焉而

南流注于滂水

又東五百里曰鹿吳之山上無草木多金石澤夏之水

出焉而南流注于滂水水有獸焉名曰蠱雕蠱或作纂其狀

如雕而有角雕似鷹而大尾長翅其音如嬰兒之音是食人

東五百里曰漆吳之山無草木多博石無玉可以為處博碁石

于東海望丘山其光載出載入神光之所潛耀是惟日次是日景之

舍所次

凡南次二經之首自柜山至于漆吳之山凡十七山七千二百里其神狀皆龍身而鳥首其祠毛用一璧瘞糝

用稌稻穰也

南次三經之首曰天虞之山其下多水不可以上

東五百里曰禱過之山其上多金玉其下多犀兕犀水牛似

豬頭瘳脚脚似象有三蹄大腹黑色三角一在頂上一在額上一在鼻上在鼻上者小而墮食角也好噉棘

口中常灑血沫兕亦似水多象象獸之最大者長鼻大

牛青色一角重三千斤而白首三足或

手人面其名曰瞿音劬其鳴自號也泝水出焉音銀而南

流注于海其中有虎蛟蛟似地四足龍屬其狀魚身而蛇尾其

首如鴛鴦食者不腫可以已痔

又東五百里曰丹穴之山其上多金玉丹水出焉而南

流注于渤海渤海海岸有鳥焉其狀如雞五采而文名

曰鳳皇首文曰德翼文曰義背文曰禮膺文曰仁腹文

曰信是鳥也飲食自然自歌自舞見則天下安寧漢時鳳皇

數出高五六尺五采莊周說鳳文字與此有異廣雅云鳳雞頭鸞頷蛇頸龜背魚尾雌曰皇雄曰鳳

又東五百里曰發爽一作卷之山無草木多水多白猿汎

水出焉而南流注于渤海

又東四百里至于旄山之尾其南有谷曰育遺或作多

怪鳥廣雅云鴟鵂鷂朋爰居凱風自是出凱風南風

又東四百里至于非山之首其上多金玉無水其下多

蝮虫

又東五百里曰陽夾之山無草木多水

又東五百里曰灌湘之山上多木無草多怪鳥無獸一作

灌湖射之山

又東五百里曰雞山其上多金其下多丹丹也見尚書或曰丹美者

音尺蠖之蠖黑水出焉而南流注于海其中有鱒魚音團

團其狀如鮒而毳毛其音如豚見則天下大旱

又東四百里曰令丘之山無草木多火其南有谷焉曰

中谷條風自是出東北風為條風記曰條風至出輕繫督通留有鳥焉其狀

如梟人面四目而有耳其名曰顛音娛其鳴自號也見則

天下大旱

又東三百七十里曰侖者之山音論說之論一音倫其上多金玉

其下多青腹有木焉其狀如穀而赤理其汗如漆其味

如飴食者不飢可以釋勞其名曰白蓉一作翠蘇翠蘇一名白蓉見廣

雅音羔可以血玉血謂可用漆玉作光彩

又東五百八十里曰禺橐之山多怪獸多大蛇

又東五百八十里曰南禺之山其上多金玉其下多水

有穴焉水出輒入夏乃出冬則閉佐水出焉而東南流

注于海有鳳皇雞雛亦鳳屬

凡南次三經之首自天虞之山以至南禺之山凡一十

四山六千五百三十里其神皆龍身而人面其祠皆一

白狗祈祈請禱也糈用稌

右南經之山志大小凡四十山萬六千三百八十里

山海經第一

山海經第二

晉 郭 璞 傳

西山經

西山經華山之首曰錢來之山其上多松其下多洗石

漂洗可以破體去垢圻破初兩反有獸焉其狀如羊而馬尾名曰羴羊

今大月氏國有大羊如驢而馬尾爾雅云羊六尺為羴謂此羊也羴音鍼其脂可以已腊

音昔

西四十五里曰松果之山澗水出焉北流注于渭其中

多銅有鳥焉其名曰鵙渠鵙音形其狀如山雞黑身赤

足可以已曝謂皮皴起也音巨駁反

又西六十里曰太華之山即西岳華陰山也今削成而在弘農華陰縣西南削成而

四方今山形上大其高五千仞其廣十里有明星玉女

持玉漿得上服之即成仙鳥獸莫居有蛇焉名曰肥蠶

六足四翼見則天下大旱湯時此地見於陽山下

又西八十里曰小華之山華山即少其木多荆杞其獸多牝

牛今華陰山中多山牛山羊肉其陰多磬石可以為其

陽多璵璠之玉璵璠玉名所未鳥多赤鷩赤鷩山雞之

冠金皆黃頭綠尾中有赤可以禦火其草有草荔草荔

毛彩鮮明音作蔽或作繼也蔽戾狀如鳥韭而生於石上亦緣木而生鳥韭在屋

二音在牆者食之已心痛曰垣衣

又西八十里曰符禺之山其陽多銅其陰多鐵其上有

木焉名曰文莖其實如棗可以已聾其草多條其狀如

葵而赤花黃實如嬰兒舌食之使人不惑符禺之水出

焉而北流注于渭其獸多蔥蘢其狀如羊而赤鬣其鳥

多鴟音其狀如翠而赤喙翠似燕而可以禦火畜之辟

又西六十里曰石脆之山其木多椶栴椶樹高三丈許

員枝生梢頭實皮相裏上行一皮者為其草多條其狀

如韭而白華黑實食之已疥其陽多璵璠之玉其陰多

銅灌水出焉而北流注于禺水其中有流赭赭赤以塗

牛馬無病今人亦以朱塗牛角

又西七十里曰英山其上多杻榘杻似棗而細葉一名

材音其陰多鐵其陽多赤金禺水出焉北流注于招水

姜音其中多鮮魚音同蚌其狀如鼈其音如羊其陽多箭

山海經卷三

籩今漢中郡出籩竹厚裏而長節根淡其獸多牝牛羝

羊有鳥焉其狀如鶉黃身而赤喙其名曰肥遺食之已

癘癘疫病也或曰惡創可以殺蟲

又西五十二里曰竹山其上多喬木枝上疎者音橋其陰多鐵

有草焉其名曰黃蘗其狀如樗其葉如麻白華而赤實

其狀如赭紫赤色浴之已疥又可以已附治附腫也音符竹水出

焉北流注于渭其陽多竹箭箭篠也多蒼玉丹水出焉所

在丹水東南流注于洛水其中多水玉多人魚如鱖魚有四脚有

獸焉其狀如豚而白毛大如笄而黑端笄簪屬名曰毫菟

狗豬也夾髀有麓豪長數尺能以脊上蒙射物亦自為牝牡猥或作猥吳楚呼為鸞豬亦此類也

又西百二十里曰浮山多盼木音美目盼枳葉而無傷

枳刺鍼也能傷人故名云木蟲居之在樹之中有草焉名曰薰音訓草麻葉

而方莖赤華而黑實臭如薜蘿薜蘿香草易曰其臭如蘭眉無兩音佩之

可以已癘

又西七十里曰踰次之山音漆水出焉今漆水出岐山北流注

于渭其上多棫櫟音域其下多竹箭其陰多赤銅其

陽多嬰垣之玉垣或作短或作根或作埋傳寫謬錯未可得詳有獸焉其狀如

禺而長臂善投其名曰踰亦在畏獸畫中似獼猴投擲也有鳥焉其狀

如梟人面而一足曰橐蜚音肥冬見夏蟄服之不畏雷著

毛羽令人不畏天雷也或作災

又西百五十里曰時山無草木遂或作水出焉北流注

於渭其中多水玉

又西百七十里曰南山上多丹粟丹水出焉北流注于渭獸多猛豹猛豹似熊而小毛淺有光澤能食蛇食銅鐵出蜀中豹或作虎鳥多尸鳩尸鳩布穀類也或曰鳩也鳩或作丘

又西百八十里曰大時之山上多穀柞柞下多柎檀陰多銀陽多白玉涔水出焉音北流注于渭清水出焉南流注于漢水今河內修武縣縣北黑山亦出清水

又西三百二十里曰潘冢之山今在武都氐道縣南潘音波漢水出焉而東南流注于沔至江夏安陸縣江即沔水醵水出焉北流注于湯水或作陽其上多桃枝鈎端鈎端桃枝屬獸多犀兕熊羆熊而黃白色猛憨能拔樹鳥多白翰赤驚白翰白鷩也亦名鷩又曰白雉有草焉其葉如蕙蕙香草蘭屬也或以蕙為薰葉失之音惠其本如桔椹本根也黑華

而不實名曰菅蓉爾雅釋草曰榮而菅謂之菅音骨食之使人無子又西三百五十里曰天帝之山上多椶柎下多管蕙管類也有獸焉其狀如狗名曰谿谷或作邊或作遺席其皮者不蠱有鳥焉其狀如鷓黑文而赤翁翁頭下毛音翁翁之瓮名曰櫟音沙櫟食之已痔有草焉其狀如葵其臭如薜蘿名曰杜衡香草也可以走馬帶之令人便馬或曰馬得之而健走食之已癭

西南三百八十里曰臯塗之山音色或作黃又作菑水出焉西流注于諸資之水塗水出焉南流注于集獲之水其陽多丹粟其陰多銀黃金其上多桂木有白石焉其名曰

礪可以毒鼠今礪石殺鼠音豫蠶食之而肥有草焉其狀如橐茷橐茷香草其葉如葵而赤背名曰無條可以毒鼠有獸焉其狀如

其葉如葵而赤背名曰無條可以毒鼠有獸焉其狀如

其葉如葵而赤背名曰無條可以毒鼠有獸焉其狀如

鹿而白尾馬足人手前兩脚似人手而四角名曰櫻如音假櫻

有鳥焉其狀如鴟而人足名曰數斯食之已癯或作瘠

又西百八十里曰黃山今始平槐里縣有黃山上故無

草木多竹箭盼水出焉音美目盼西流注于赤水其中

多玉有獸焉其狀如牛而蒼黑大目其名曰犛音敏有鳥

焉其狀如鴉青羽赤喙人舌能言名曰鸚鵡鸚鵡小兒舌脚

指前後各兩扶南微外出五色者亦有純赤白者大如鴈也

又西二百里曰翠山其上多梭栴其下多竹箭其陽多

黃玉其陰多旄牛麇麇麇似羊而大角細食好在其鳥

多鷓音壘其狀如鵲赤黑而兩首四足可以禦火

又西二百五十里曰隗山音魏一音隗是錞于西海錞猶

也音章無草木多玉淒水出焉或作淒西流注于海其中

多采石黃金采石石有采色者今多丹粟

凡西經之首自錢來之山至于隗山凡十九山二千九

百五十七里華山冢也冢者神鬼之所舍也其祠之禮太牢牛羊豕為

太牢牢瑜山神也祠之用燭或作燭齋百日以百犧牲純色瘞

用百瑜瑜亦美玉湯或作湯其酒百樽溫酒嬰以百珪百

璧嬰謂陳之以環祭也或曰嬰即古嬰字謂盃

其餘十七山之屬皆毛牲用一羊祠之牲謂牲體全具

肥脂燭者百草之未灰白蓆采等純之純緣也五色純

也周禮莞西次二經之首曰鈴山音髡鉗之鉗或其上多銅其下

席紛純

作冷又作塗

多玉其木多杻榘

西二百里曰秦或作秦

冒之山其陽多金其陰多鐵浴水

出焉東流注于河其中多藻玉藻玉玉有符彩者或作東音練多白蛇

水

又西一百七十里曰數歷之山其上多黃金其下多銀

其木多杻榘其鳥多鸚鵡楚水出焉而南流注於渭其

中多白珠今蜀郡平澤出青珠尸子曰水員折者有珠

又西百五十里曰高山其上多銀其下多青碧碧亦玉類也今

越嵩會稽縣雄黃晉太興三年高平郡界有其木多椶

其草多竹涇水出焉音而東流注于渭今涇水出安定朝那縣西井頭

山至京北高其中多磬石書曰泗濱浮磬是也青碧

西南三百里曰女牀之山其陽多赤銅其陰多石涅即

石也楚人名為涅石秦名為羽其獸多虎豹犀兕有鳥

焉其狀如翟而五彩文翟似雉而大長尾或作鸚鵡屬也名曰鸞鳥見

則天下安寧舊說鸞似雞瑞鳥也周成王時西戎獻之

又西二百里曰龍首之山其陽多黃金其陰多鐵茗水

出焉東南流注于涇水其中多美玉

又西二百里曰鹿臺之山今在上郡其上多白玉其下多銀

其獸多牝牛羝羊白豪豪豕也有鳥焉其狀如雄雞而人

面名曰鳧篋其名自叫也見則有兵

西南二百里曰鳥危之山其陽多磬石其陰多檀楮楮

穀其中多女牀未詳鳥危之水出焉西流注于赤水其中

多丹粟

又西四百里曰小次之山其上多白玉其下多赤銅有獸焉其狀如猿而白首赤足名曰朱厭見則大兵見則一作有兵起焉一作作見則為兵

又西三百里曰大次之山其陽多堊堊似土色甚白音惡其陰多碧其獸多牝牛麇羊

又西四百里曰薰吳之山無草木多金玉

又西四百里曰玄陽之山音旨其木多櫻柟豫章櫻似柟有刺細理音即豫章大木似楸葉冬夏青生七年而後復可知也其獸多犀兕虎豹牝牛音豹之藥反

又西二百五十里曰衆獸之山其上多璵璠之玉其下

多檀楮多黃金其獸多犀兕

又西五百里曰皇人之山其上多金玉其下多青雄黃即雄黃也或曰空青曾青之屬又西三百里曰中皇之山其上多黃金其下多蕙棠蕙棠形之屬也蕙或作羔

又西三百五十里曰西皇之山其陽多金其陰多鐵其獸多麋鹿牝牛麋大如小牛鹿屬也

又西三百五十里曰萊山其木多檀楮其鳥多羅羅是食人羅羅之鳥所未詳也

凡西次二經之首自鈴山至于萊山凡十七山四千一百四十里其十神者皆人面而馬身其七神皆人面牛

身四足而一臂操杖以行是為飛獸之神其祠之毛用

少牢羊豬為少牢也白菅為席其十輩音神者其祠之毛一雄

雞鈴而不精鈴所用祭器名所未詳也或毛采言用雄

西次三經之首曰崇吾之山在河之南北望冢遂音於南

望密之澤音遙西望帝之搏獸之山搏或東望螭音於淵

有木焉員葉而白柎今江東人呼草木子房為柎音府

符赤華而黑理其實如枳食之宜子孫有獸焉其狀如

禺而文臂豹虎而善投名曰舉父或作有鳥焉其狀如

鳧而一翼一目相得乃飛名曰蠻蠻比翼鳥也色青赤

鳥也見則天下大水

西北三百里曰長沙之山泚水出焉音紫北流注於泐水

烏交反又音黝水色黑也無草木多青雄黃

又西北三百七十里曰不周之山此山形有缺不周

風自此北望諸毗之山臨彼嶽崇之山東望泐澤河水

所潛也其源渾渾泡泡河南出崑崙潛行地至蔥嶺

流注幼澤已復潛行南出於積石山而為中國河也名

幼澤即蒲澤一名蒲昌海廣三四百里其水停冬夏不

增減去玉門關三百餘里即河之重源所謂爰有嘉果

其實如桃其葉如棗黃華而赤柎食之不勞

又西北四百二十里曰峯音密山其上多丹木員葉而赤

莖黃華而赤實其味如飴食之不飢丹水出焉西流注

于稷澤后稷神所其中多白玉是有玉膏其源沸沸湯

湯有玉膏涌出之貌也河圖玉版曰少室山其上黃帝是

食是饗鼎湖而龍蛇也是生玄玉言玉膏中又玉膏所

出以灌丹木丹木五歲五色乃清鮮也五味乃馨言滋

黃帝乃取崆山之玉榮謂玉華也離騷曰懷琬琰之華

華所謂玉而投之鍾山之陽玉種瑾瑜之玉為良言最

或作食觀堅粟精密或作粟玉有禮記曰瑱密似粟粟濁

澤而有光潤厚五色發作言符彩互映色王子靈符應

割肪黑如醇漆以和柔剛九德也天地鬼神是食是饗

玉所以所祭者言君子服之以禦不祥今微外出金剛

有光彩可以刻玉外國人自崆山至于鍾山四百六十

里其間盡澤也是多奇鳥怪獸奇魚皆異物焉

又西北四百二十里曰鍾山其子曰鼓此亦神名名之

其類皆見其狀如人面而龍身人面馬身亦似此狀也

是與欽鴉音殺葆江於崑崙之陽作祖帝乃戮之鍾山

之東曰崑崙音崖欽鴉化為大鴉音其狀如鴉而黑

文白首赤喙而虎爪其音如晨鵠音其狀如鴉赤足而

見則有大兵鼓亦化為鷓鴣音其狀如鴉赤足而

直喙黃文而白首其音如鵠見即其邑大旱穆天子傳

春字音同耳穆王北升此山以望四野曰鍾山是惟天

下之高山也百獸之所聚飛鳥之栖也爰有赤豹白虎

白鳥青鵬執犬羊食豕鹿穆王五日觀於

鍾山乃為銘迹於縣圃之上以詔後世

又西百八十里曰泰器之山觀水出焉西流注于流沙

是多文鯨魚音狀如鯉魚魚身而鳥翼蒼文而白首赤

喙常行西海遊於東海以夜飛其音如鸞雞鸞雞鳥名

作其味酸甘食之已狂見則天下大穰豐穰收熟也韓

又西三百二十里曰槐江之山丘時之水出焉而北流

注于泐水其中多羸母即蝶其上多青雄黃多藏琅玕

黃金玉琅玕石似珠者藏其陽多丹粟其陰多采黃金

銀實惟帝之平圃即玄圃也穆天子傳曰乃為銘迹於

武之為神英招司之司主也其狀馬身而人面虎文而

鳥翼徇于四海徇謂周其音如榴音留或作榴南望崑

崙其光熊熊其氣魂魂皆光氣炎盛西望大澤后稷所

潛也后稷生而靈智及其終化形遜此其中多玉其陰

多榦木之有若榦木大木也言其上復生若木大木之

花北望諸山名槐鬼離侖居之離侖其鷹鷲之所宅也

鷲亦鷲屬也莊周曰鷲鴉甘鼠穆天子東望恒山四成

傳云鍾山上有白鳥青雕皆此族類也搏猶脅也言羣

成亦重也爾雅有窮鬼居之各在一搏鬼各以類聚處

號耳搏一作搏爰有涿水其清洛洛水留下之貌有

天神焉其狀如牛而八足二首馬尾其音如勃皇勃皇未詳

見則其邑有兵

西南四百里曰崑崙之丘是實惟帝之下都天帝都邑

也穆天子傳曰吉日辛酉天子升於崑崙之丘以觀黃

上神陸吾司之即肩吾也莊周曰肩其神狀虎身而九

尾人面而虎爪是神也司天之九部及帝之囿時城而九

部界天帝苑有獸焉其狀如羊而四角名曰土螻是食

人有鳥焉其狀如蠶大如鴛鴦名曰欽原欽或作至也蠶

鳥獸則死蠹木則枯有鳥焉其名曰鶉鳥是司帝之百

服服器服也一曰服事也或作藏有木焉其狀如棠棠也華黃赤實其

味如李而無核名曰沙棠可以禦水食之使人不溺言

浮輕也沙棠為木不可得沈呂氏春秋曰果之美者沙

棠之實銘曰安得沙棠刺以為舟汎彼滄海以遨以遊

有草焉名曰薺草音頰其狀如葵其味如蔥食之已勞呂

春秋曰菜之美者崑崙之嶺河水出焉出山東而南流東注于無達

名赤水出焉南出也而東南流注于汜天之水汜天亦

水所窮也穆天子傳曰遂宿於崑崙崑崙洋水出焉北出

之側赤水之陽陽水北也汜浮劍反洋水出焉北出

清而西南流注于醜塗之水醜塗亦山名也皆在南

又曰觴天黑水出焉亦出西而西流于大杆山名也穆

乃封長肱於黑水之西北隅也惟崑是多怪鳥獸謂有一

首之屬也六又西三百七十里曰樂游之山桃水出焉西流注于穆

澤是多白玉其中多鱗魚音滑其狀如蛇而四足是食魚

西水行四百里曰流沙二百里至于羸母之山神長乘

司之是天之九德也九德九氣所生其神狀如人而豹之藥尾

其上多玉其下多青石而無水

又西三百五十里曰玉山是西王母所居也此山多玉

云穆天子傳謂之羣玉之山見其山河無險四徹中緇

先王之所謂策府寡草木無鳥獸穆王於是攻其玉石

取玉石版三乘玉器服物載玉西王母其狀如人豹尾

萬隻以歸雙王為鼓半鼓為隻

虎齒而善嘯蓬髮戴勝蓬頭亂髮勝是司天之厲及五

殘主知災厲五刑殘殺之氣也穆天子傳曰吉日甲子

天子賓於西王母執立珪白璧以見西王母獻錦組

山經卷之六

百縷金玉百斤西王母再拜受之乙丑天子觴西王母
於瑤池之上西王母為天子謠曰白雲在天山陵自出
道里悠遠山川間之將子無死尚復能來天子畬之曰
子還東土和理諸夏萬民均平吾顧見汝比及三年將
復而野西王母又為天子吟曰徂彼西土爰居其所將
豹為羣鳥鵲與處嘉命不遷我惟帝女彼何世民又將
去子吹笙鼓簧中心翱翔世民之子惟天之望天子遂
驅升於奄山乃紀迹於奄山之石而樹之槐着曰西王
母之山奄山即嶮岷山也案竹書穆王五十七年西王
母來見賓於昭宮舜時西王母遣使獻玉環見禮三朝
有獸焉其狀如犬而豹文其角如牛或作其名曰狡其
音如吠犬見則其國大穰晉太康七年邵陵扶夸縣無
前兩脚時人謂有鳥焉其狀如翟而赤名曰胜遇音是
之狡疑非此
食魚其音如錄音錄義未詳見則其國大水
又西四百八十里曰軒轅之丘無草木黃帝居此丘娶
軒轅西陵氏女因號
洵水出焉音詢南流注于黑水其中多丹粟多青雄

黃

又西三百里曰積石之山其下有石門河水冒以西流
冒猶覆也積石山今在金城河門關是山也萬物無不
有焉水經引山海經云積石山在鄧林山東河所入也
又西二百里曰長留之山其神白帝少昊居之少昊金
摯之號也其獸皆文尾文或長其鳥皆文首文或長是多文玉石
實惟員神音隗隗氏之宮是神也主司反景日西入則景反東照主司
之察
又西二百八十里曰章莪之山無草木多瑤碧玉屬亦所
為甚怪多有非有獸焉其狀如赤豹五尾一角其音如
擊石其名如猱京氏易義曰音如石相擊音靜也有鳥焉其狀如鶴一

山海經卷三

三

足赤文青質而白喙名曰畢方其鳴自叫也見則其邑

有譌火譌亦妖訛字

又西三百里曰陰山濁浴之水出焉而南流注于蕃澤

其中多文具餘泉蜮之類也見爾雅有獸焉其狀如狸豹或作而白

首名曰天狗其音如榴榴或作猫猫可以禦凶

又西二百里曰符惕之山音陽其上多梭柎下多金玉神

江疑居之是山也多怪雨風雲之所出也

又西二百二十里曰三危之山今在燉煌郡尚書云三

青鳥居之三青鳥主為西王母取食者別自棲息於此山也竹書曰穆王西征至於青鳥所解也

是山也廣員百里其上有獸焉其狀如牛白身四角其

毫如披蓑蓑避雨之衣也音梭其名曰微徊微噎二音是食人有鳥焉

一首而三身其狀如鸛其名曰鵙鸛似鵙黑文赤頸音

死扶木則枯應在上欽原下脫錯在此耳

又西一百九十里曰騄山其上多玉而無石神耆童居

之耆童老童顛頊之子其音常如鍾磬其下多積虵

又西三百五十里曰天山多金玉有青雄黃英水出焉

而西南流注于湯谷有神焉其狀如黃囊赤如丹火體

黃而精六足四翼渾敦無面目是識歌舞實惟帝江也

光赤也夫形無全者則神自然靈照精無見者則闇與理會其

帝江之謂乎莊子所云中央之帝混沌為儵忽所鑿七

竅而死者蓋假此以寓言也

又西二百九十里曰泐山泐音黝神蓐收居之亦金神

虎爪白尾執鉞見外傳云其上多嬰短之玉未詳其陽多瑾瑜之玉其

陰多青雄黃是山也西望日之所入其氣員日形員故其氣象亦

然神紅光之所司也未聞其狀

西水行百里至于翼望之山或作土翠山無草木多金玉有

獸焉其狀如狸一目而三尾名曰謹謹音歡或作原其音如棄

百聲言其能作百種物聲也或曰棄百物名亦所未詳是可以禦凶服之已瘳

黃瘳病也音旦有鳥焉其狀如鳥三首六尾而善笑名曰鵠鷄

猗餘服之使人不厭音莫禮反或曰咪咪目也又可

以禦凶

凡西次三經之首崇吾之山至于翼望之山凡二十三

山六千七百四十四里其神狀皆羊身人面其祠之禮

用一吉玉瘞玉加采色者也尸糝用稷米

西次四經之首曰陰山上多穀無石其草多茆蕃茆蕃也

蕃青蕃似莎而大茆煩兩音陰水出焉西流注于洛

北五十里曰勞山多茆草一名茆中淡紫也弱水出焉而西流

注于洛

西五十里曰罷父之山洱水出焉音耳而西流注于洛其

中多茆碧

北百七十里曰申山其上多穀柞其下多杻榘其陽多

金玉區水出焉而東流注于河

北二百里曰鳥山其上多桑其下多楮其陰多鐵其陽

多玉辱水出焉而東流注于河

又北百二十里曰上申之山上無草木而多砾石砾石砾大

石貌也下多榛栲榛子似栗而小味美栲木可以獸多

白鹿其鳥多當扈或作戶其狀如雉以其鬣飛鬣咽下食

之不眴目音眩湯水出焉東流注于河

又北百八十里曰諸次之山諸次之水出焉而東流注

于河是山也多木無草鳥獸莫居是多衆蛇

又北百八十里曰號山其木多漆椶漆樹似椶也其草多葍

薨葍一名江薨葍音鳥較反多冷石冷或音金未詳端水

出焉而東流注于河

又北二百二十里曰孟山音于其陰多鐵其陽多銅其獸

多白狼白虎外傳曰周穆王伐犬戎得其鳥多白雉白

翟或作白翠生水出焉而東流注于河

西二百五十里曰白於之山上多松柏下多櫟檀櫟即

其獸多牝牛羴羊其鳥多鴟鴟似鳩而青色洛水出于其陽而

東流注于渭夾水出于其陰東流注于生水

西北三百里曰申首之山無草木冬夏有雪申水出于

其上潛于其下是多白玉

又西五十五里曰涇谷之山或無之涇水出焉或以此

水未詳東南流注于渭是多白金白玉

又西百二十里曰剛山多柒木多璆瑋之玉剛水出焉

北流注于渭是多神媿媿亦媿之類也其狀人面獸

身一足一手其音如欽欽亦吟字假音

又西二百里至剛山之尾洛水出焉而北流注于河其

中多蠻蠻其狀鼠身而鼈首其音如吠犬

又西三百五十里曰英鞮之山上多漆木下多金玉鳥

獸盡白澆水出焉澆或作澆音冤枉之冤而北注于陵羊之澤是

多冉遺之魚魚身蛇首六足其目如馬耳食之使人不

眯可以禦凶

又西三百里曰中曲之山其陽多玉其陰多雄黃白玉

及金有獸焉其狀如馬而白身黑尾一角虎牙爪音如

鼓音其名曰駮是食虎豹爾雅說駮不道有角及虎爪駮亦在畏獸畫中可以

禦兵養之辟兵刃也有木焉其狀如棠而員葉赤實實大如木

瓜木瓜如小瓜名曰櫟木音懷食之多力尸子曰木食之人多為仁者名為若木此

類之

又西二百六十里曰邽山音圭其上有獸焉其狀如牛蝟

毛名曰窮奇音如獐狗是食人或云似虎蝟毛有翼銘曰窮奇之獸厥形甚醜

多黃貝貝甲蟲肉如科斗但有頭尾耳贏魚音螺魚身而鳥翼音如鴛鴦

見則其邑大水

又西二百二十里曰鳥鼠同穴之山今在隴西首陽縣西南山有鳥鼠同

穴鳥名曰鷓鼠名曰鼯鼯如人家鼠而短尾鷓似燕而黃色穿地入數尺鼠在內鳥在外而共處孔氏尚書傳

曰共為雌雄張氏地也其理記云不為牡牝也上多白虎白玉渭水出焉而東

流注于河華陰縣入河其中多鱣魚音騷其狀如鱣魚

鱣魚大魚也口在頷下動則其邑有大兵或脫無從動體有連甲也或作鮎鯉

濫水出于其西音檻西流注于漢水多鰲魼之魚如玳瑁音其

狀如覆鈔鳥首而魚翼魚尾音如磬石之聲是生珠玉

亦珠母蚌類而能生出之

西南三百六十里曰崦嵫之山日沒所入山也見離騷奄茲兩音其上

多丹木其葉如穀其實大如瓜赤符而黑理食之已瘴

可以禦火其陽多龜其陰多玉苕或作若水出焉而西流

注于海禹大傳曰有盤之水出崦嵫山其中多砥礪砥礪磨石也精為砥礪為礪也有獸

焉其狀馬身而鳥翼人面蛇尾是好舉人喜抱人舉人名曰孰

湖有鳥焉其狀如鴉而人面雉身犬尾雉獼猴屬也音贈遺之遺一音

誅見中山經尾又作皆其名自號也或作設設亦呼耳疑此脫誤見則其地大

旱

凡西次四經自陰山以下至于崦嵫之山凡十九山

千六百八十里其神祠禮皆用一白雞祈糈以稻米白

管為席

右西經之山凡七十七山一萬七千五百一十七里

山海經第二

山海經第三

晉郭璞傳

北山經

北山經之首曰單狐之山多机木机木似榆可燒以糞

其上多華草逢水出焉逢音而西流注于泐水其中多芘

石文石

又北二百五十里曰求如之山其上多銅其下多玉無

草木滑水出焉而西流注于諸毗之水毗水出諸其中多

滑魚其狀如鱣赤背鱣音善似其音如梧如人相枝梧聲

食之已疣疣贅也其中多水馬其狀如馬文臂牛尾臂前

周禮曰馬黑脊而斑臂腰漢武元狩四年其音如呼如

燉煌渥注水出馬以為靈瑞者即此類也

呼叫

又北三百里曰帶山其上多玉其下多青碧有獸焉其

狀如馬一角有錯言角有甲錯也或作曆其名曰臞音疏可以辟

火有鳥焉其狀如烏五采而赤文名曰鵠音鷓鳥上已有此疑同名

是自為牝牡食之不疽無癰疽病也彭水出焉而西流注于

芑湖之水其中多儵魚音由其狀如雞而赤毛三尾六足

四首其音如鵲食之可以已憂

又北四百里曰譙明之山譙水出焉西流注于河其中

多何羅之魚一首而十身其音如吠犬食之已癰有獸

焉其狀如貍而赤豪貍豪豬也音丸其音如榴榴名曰孟槐可

以禦凶辟凶邪氣也亦在畏獸畫中也是山也無草木多青雄黃一作多青

碧

又北三百五十里曰涿光之山囂水出焉而西流注于

河其中多鰓鰓之魚音袴其狀如鵲而十翼鱗皆在

羽端其音如鵲可以禦火食之不瘳其上多松柏其下

多椶櫚其獸多麋羊其鳥多蕃未詳或云即鴉音煩

又北三百八十里曰號山其上多漆其下多桐椶桐椶也

河其獸多橐駝有肉鞍善行流沙中日行三百里其負千斤知水泉所在也其鳥多

寓狀如鼠而鳥翼其音如羊可以禦兵

又北四百里至于號山之尾其上多玉而無石魚水出

焉西流注于河其中多文貝

又北二百里曰丹熏之山其上多檮柏其草多韭薤皆

菜爾雅有其名多丹腹熏水出焉而西流注于棠水有獸焉其

狀如鼠而菟首麋身其音如犊犬以其尾飛或作髯飛

名曰耳鼠食之不脛脛大腹也見又可以禦百毒

又北二百八十里曰石者之山其上無草木多瑤碧泚

水出焉西流注于河有獸焉其狀如豹而文題白身題額

也名曰孟極是善伏其鳴自呼

又北百一十里曰邊春之山或作春山多蔥葵韭山蔥名桃

李山桃桴桃子杠水出焉而西流注于泐澤有獸焉其

狀如禺而文身善笑見人則臥言伴眠也名曰幽鴉或作嬾

過其鳴自呼

又北二百里曰蔓聯之山萬連二音其上無草木有獸焉其

狀如禺而有鬣牛尾文臂馬蹄見人則呼名曰足訾其

鳴自呼有鳥焉群居而朋飛朋猶輩也其毛如雌雉名曰鷓

交音或作渴也其鳴自呼食之已風

又北百八十里曰單張之山其上無草木有獸焉其狀

如豹而長尾人首而牛耳一目名曰諸犍音如犍牛之犍善吒

行則銜其尾居則蟠其尾有鳥焉其狀如雉而文首白

翼黃足名曰白鵠音夜食之已噎痛噎不容粒今吳人呼咽

為噎音隘可以已癩癩病也櫟水出焉而南流注于杠水

又北三百二十里曰灌題之山其上多檮柘其下多流

沙多砥有獸焉其狀如牛而白尾其音如訃訃如人呼喚訃言叫

名曰那父有鳥焉其狀如雌雉而人面見人則躍躍名

曰竦斯其鳴自呼也匠韓之水出焉而西流注于泐澤

其中多磁石磁石者必有銅音慈

又北二百里曰潘侯之山其上多松柏其下多榛楛其

陽多玉其陰多鐵有獸焉其狀如牛而四節生毛名曰旄牛今旄牛背膝及胡尾皆有長毛邊水出焉而南流注於櫟澤

又北二百三十里曰小咸之山無草木冬夏有雪

北二百八十里曰大咸之山無草木其下多玉是山也

四方不可以上有蛇名曰長蛇其毛如彘豪說者云長

蛇色似艾綬文文間有毛如豬鬃此其類也常山亦有長蛇與此形不同其音如鼓柝如人

聲音託

又北三百二十里曰敦薨之山其上多椶柟其下多芘

草敦薨之水出焉而西流注於泐澤出于崑崙之東北

隅實惟河源即河水出崑崙之墟其中多赤鮭今名鮭魚音圭其獸

多兕旄牛或作撲牛撲牛見離騷天問所未詳其鳥多鴟鳩

又北二百里曰少咸之山無草木多青碧有獸焉其狀

如牛而赤身人面馬足名曰窶窶爾雅云窶窶似狸虎爪與此錯軋愈二音

其音如嬰兒是食人敦水出焉東流注于鴈門之水出

鴈門山間其中多鮪鮪之魚音沛未詳食之殺人

又北二百里曰獄法之山懷澤之水出焉懷音而東北流

注于泰澤其中多鱓魚音藻其狀如鯉而雞足食之已疣

有獸焉其狀如犬而人面善投見人則笑其名山獬音暉

其行如風言疾見則天下大風

又北二百里曰北嶽之山多枳棘剛木檀柘之屬有獸焉其

狀如牛而四角人目彘耳其名曰諸懷其音如鳴鴈是

食人諸懷之水出焉而西流注于囂水其中多鮪魚音詰

魚身而犬首其音如嬰兒今海中有虎鹿魚及海狶體皆如魚而頭似虎鹿豬此其

類也食之已狂

又北百八十里曰渾夕之山無草木多銅玉囂水出焉

而西北流注于海有蛇一首兩身名曰肥遺見則其國

大旱管子曰涸水之精名曰蠃一頭而兩身其狀如蛇長八尺以其名呼之可使取魚龜亦此類

又北五十里曰北單之山無草木多蔥韭

又北百里曰羆差之山無草木多馬野馬也似馬而小

又北百八十里曰北鮮之山是多馬鮮水出焉而西北

流注于涂吾之水漢元狩二年馬出涂吾水中也

又北百七十里曰隄山或作院古字耳多馬有獸焉其狀如豹

而文首名曰狢音公隄水出焉而東流注于泰澤其中多

龍龜

凡北山經之首自單狐之山至于隄山凡二十五山五

千四百九十里其神皆人面蛇身其祠之毛用一雄雞

彘瘞吉玉用一珪瘞而不糝言祭不用米皆埋其所用牲玉其山北人

皆生食不火之物或作皆生食而不火

北次二經之首在河之東其首枕汾臨汾水上也音墳其名曰

管涔之山今在太原郡故汾陽縣北秀容山涔音岑其上無木而多草其下

多玉汾水出焉而西流注于河至汾陽縣北西入河

又西二百五十里曰少陽之山其上多玉其下多赤銀

精也酸水出焉而東流注于汾水其中多美楮管子曰山上有

楮者其下有鐵

又北五十里曰縣雍之山今在晉陽縣西名汲甕雍音甕其上多玉其

下多銅其獸多閭麋閭即鞦韆也似驢而歧蹄角如麋羊一名山驢周禮曰北唐以閭亦見

鄉射禮其鳥多白翟白鶴音即白鶴也音于六反晉水出焉而東南流

注于汾水東過晉陽南又東入汾其中多鯀魚其狀如儵而赤鱗

小魚曰儵其音如叱食之不驕或作騷騷臭也

又北二百里曰狐岐之山無草木多青碧勝水出焉而

東北流注于汾水其中多蒼玉

又北三百五十里曰白沙山廣員三百里盡沙也無草

木鳥獸鮪水出于其上潛于其下出山之頂停其底也是多白玉

又北四百里曰爾是之山無草木無水

又北三百八十里曰狂山無草木是山也冬夏有雪狂

水出焉而西流注于浮水其中多美玉

又北三百八十里曰諸餘之山其上多銅玉其下多松

柏諸餘之水出焉而東流注于旄水

又北三百五十里曰敦頭之山其上多金玉無草木旄

水出焉而東流注于印澤其中多駢馬音勃牛尾而白身

一角其音如呼

又北三百五十里曰鈎吾之山其上多玉其下多銅有

獸焉其狀如羊身人面其目在腋下虎齒人爪其音如
嬰兒名曰狍鴞是食人為物貪憚食人未盡還害其身
象在夏鼎左傳所謂饕餮是也

抱音又北三百里曰北囂之山無石其陽多碧其陰多玉有

獸焉其狀如虎而白身犬首馬尾彘鬣名曰獨裕音有

鳥焉其狀如鳥人面名曰鷲鷲或作夏也宵飛而晝伏

鷲屬鷲食之已喝音熱也涔水出焉而東流注于邛澤

又北三百五十里曰梁渠之山無草木多金玉脩水出

焉而東流注于鴈門水名其獸多居暨其狀如彙而赤毛

彙似鼠赤毛如刺猬彙音滑其音如豚有鳥焉其狀如夸父或作四

翼一目犬尾名曰鷩其音如鵲食之已腹痛可以止衄

治洞下也音洞

又北四百里曰姑灌之山無草木是山也冬夏有雪

又北三百八十里曰湖灌之山其陽多玉其陰多碧多

馬湖灌之水出焉而東流注于海其中多鮠亦鱖魚字有木

焉其葉如柳而赤理

又北水行五百里流沙三百里至于洹山其上多金玉

三桑生之其樹皆無枝其高百仞百果樹生之其下多

怪蛇

又北三百里曰敦題之山無草木多金玉是錞于北海

凡北次二經之首自管涔之山至于敦題之山凡十七

山五千六百九十里其神皆蛇身人面其祠毛用一雄

雞彘瘞之種用一璧一珪投而不糝糝玉於山中以禮神不糝之也

北次三經之首曰太行之山今在河內野王縣西北行音尸剛反其首曰

歸山其上有金玉其下有碧有獸焉其狀如麋羊而四

角馬尾而有距其名曰驩善還還旋旋舞也驩音暉其鳴自訶有

鳥焉其狀如鵲白身赤尾六足其名曰鵲音犇是善驚其

鳴自訶今吳人謂呼為訶音呼交反

又東北二百里曰龍侯之山無草木多金玉浚浚之水

出焉音設而東流注于河其中多人魚其狀如鯀魚四足

其音如嬰兒鯀見中山經或曰人魚即鯢也似鮎而四足聲如小兒啼今亦呼鮎為鯀音蹄而

之無癡疾

又東北二百里曰馬成之山其上多文石其陰多金玉

有獸焉其狀如白犬而黑頭見人則飛言肉翅飛行自在其名

曰天馬其鳴自訶有鳥焉其狀如鳥首白而身青足黃

是名曰鴈鴈屈居二音或作鳴其鳴自訶食之不飢可以已寓

未詳或曰寓猶誤也

又東北七十里曰咸山其上有玉其下多銅是多松柏

草多莛草條管之水出焉管音間而西南流注于長澤其

中多噐酸三歲一成詳所未詳也食之已癘

又東北二百里曰天池之山其上無草木多文石有獸

焉其狀如兔而鼠首以其背飛用其背上毛飛飛則仰也其名曰飛

鼠澗水出焉潛于其下停山底也其中多黃璽璽土也

又東三百里曰陽山其上多玉其下多金銅有獸焉其

狀如牛而赤尾其頸賢其狀如勾瞿言頸上有肉賢也音劬

名曰領胡其鳴自諂食之已狂有鳥焉其狀如雌雉而

五彩以文是自為牝牡名曰象虵其鳴自諂留水出焉

而南流注于河其中有鮎父之魚音陷其狀如鮒魚魚首

而彘身食之已嘔

又東三百五十里曰賁聞之山其上多蒼玉其下多黃

堊多涅石

又北百里曰王屋之山今在河東垣縣北是多石澗

水出焉澗音輦而西北流注于秦澤地理志王屋山沈水所出澗沈聲相近殆

即濟也

又東北三百里曰教山其上多玉而無石教水出焉西

流注于河是水冬乾而夏流實惟乾河今河東聞喜縣東北有乾河口

因名乾河里但有故其中兩山是山也廣員二百步

其名曰發丸之山其上有金玉

又南三百里曰景山外傳曰景霍以為城南望鹽販之澤即鹽池也今在

河東猗氏縣北望少澤其上多草藟根似羊蹄可食

或無販字其草多秦椒子似椒而其陰多赭其陽

多玉有鳥焉其狀如虵而四翼六目三足名曰酸與其

鳴自諂見則其邑有恐或曰食之不醉

又東南三百二十里曰孟門之山尸子曰龍門未辟呂

之上大溢逆流無有丘陵高阜滅之名曰其上多蒼玉

多金其下多黃堊多涅石

又東南三百二十里曰平山平水出于其上潛于其下是多美玉

又東二百里曰京山有美玉多漆木多竹其陽有赤銅其陰有玄礪黑砥名也尸子曰加玄黃砥礪音竹篠之篠高水出焉南

流注于河

又東二百里曰虫尾之山其上多金玉其下多竹多青

碧丹水出焉南流注于河薄水出焉淮南子曰薄水出鮮于山而東

南流注于黃澤

又東三百里曰彭毗之山其上無草木多金玉其下多

水蚤林之水出焉音早東南流注于河肥水出焉而南流

注于牀水其中多肥遺之地

又東百八十里曰小侯之山明漳之水出焉南流注于

黃澤有鳥焉其狀如鳥而白文名曰鵠姑習二音食之不

澣不瞧目也或作嚙音醜

又東三百七十里曰泰頭之山其水出焉音恭南注于虜

池呼佗二音下同其上多金玉其下多竹箭

又東北二百里曰軒轅之山其上多銅其下多竹有鳥

焉其狀如梟而白首其名曰黃鳥其鳴自談食之不妒

又北二百里曰謁戾之山今在上黨郡涅縣其上多松柏有金

玉沁水出焉南流注于河至滎陽縣東北入河或出穀述縣羊頭山也其東

有林焉名曰丹林丹林之水出焉南流注于河嬰侯之

水出焉北流注于汜水

東三百里曰沮洳之山詩云彼沮洳無草木有金玉瀑水出

焉音其南流注于河今淇水出汲郡隆慮縣大號

又北三百里曰神囿之山音如倉其上有文石其下有

白蛇有飛蟲黃水出焉而東流注于洹洹水出汲郡林慮縣東北至魏

郡長樂入清水洹音丸淦水出焉而東流注于歐水淦水今出臨

山經鄴西北至列人縣入於漳其水熱

又北二百里曰發鳩之山今在上黨郡其上多柘木有

鳥焉其狀如烏文首白喙赤足名曰精衛其鳴自詖是

炎帝之少女名曰女娃炎帝神農也女娃遊于東

海溺而不返故為精衛常銜西山之木石以堙于東海

堙塞也漳水出焉濁漳東流注于河或曰出長子縣鹿

音因漳

又東北百二十里曰少山今在樂平郡沾縣其上有金

玉其下有銅清漳之水出焉東流于濁漳之水清漳出

繩谷至武安縣南暴宮邑入於濁漳或曰東北至邑城入於大河也

又東北二百里曰錫山其上多玉其下有砥牛首之水

出焉而東流注于淦水

又北二百里曰景山有美玉景水出焉東南流注于海

澤

又北百里曰題首之山有玉焉多石無水

又北百里曰繡山其上有玉青碧其木多栒木中枚其

草多芍藥芎藭芍藥一名辛夷亦香草屬洧水出焉而東流注于河

其中有鱧

鱧似鮎而大白也

鼉

鼉似鰐而青或曰鱧鼉一物名耳

又北百二十里曰松山陽水出焉東北流注于河

又北百二十里曰敦與之山其上無草木有金玉潦水

出于其陽

音悉各反

而東流注於泰陸之水

大陸水今鉅鹿北廣平澤即其

水

氾水出于其陰

音抵肆也

而東流注于彭水

今氾水出中丘縣西窮泉

谷東注於堂陽縣入於漳水

槐水出焉而東流注于氾澤

又北百七十里曰柘山其陽有金玉其陰有鐵歷聚之

水出焉而北流注于洧水

又北三百里曰維龍之山其上有碧玉其陽有金其陰

有鐵肥水出焉而東流注于臯澤

其中多礪石

未詳也音雷或

作壘礪壘大石貌或曰石名

敞鐵之水出焉而北流注于大澤

又北百八十里曰白馬之山其陽多石玉其陰多鐵多

赤銅木馬之水出焉而東北流注于虜沱

呼沱二音

又北二百里曰空桑之山

上已有此山疑同名也

無草木冬夏有

雪空桑之水出焉東流注于虜沱

又北三百里曰秦戲之山無草木多金玉有獸焉其狀

如羊一角一目目在耳後其名曰辣辣

音屋棟之棟

其鳴自

訓虜沱之水出焉

今虜沱水出鴈門鹵成縣南武夫山

而東流注于淩水

又北三百里曰石山多藏金玉濩濩之水出焉

濩音悅濩音尺

而東流注于虜沱

又北二百里曰童戎之山臯涂之水出焉而東流注于

又北二百里曰童戎之山臯涂之水出焉而東流注于

又北二百里曰童戎之山臯涂之水出焉而東流注于

漚液水

又北三百里曰高是之山今在北地靈丘縣滋水出焉音慈而南

流注于虜沱其木多椶其草多條漚水出焉音寇東流注

于河過博陵縣南又東北入於易水

又北三百里曰陸山多美玉鄴水出焉或作鄰水而東流注

于河

又北二百里曰沂山音祈般水出焉音盤而東流注于河

北百二十里曰燕山多嬰石言石似玉有符彩燕水出

焉東流注于河

又北山行五百里水行五百里至于饒山是無草木多

瑤碧其獸多橐駝其鳥多鷗未詳或曰鷗鷗也歷號之水出焉

而東流注于河其中有師魚食之殺人未詳或作鯢

又北四百里曰乾山無草木其陽有金玉其陰有鐵而

無水有獸焉其狀如牛而三足其名曰獠音元其鳴自詒

又北五百里曰倫山倫水出焉而東流注于河有獸焉

其狀如麋其川在尾上川窾也其名曰羆

又北五百里曰碣石之山水經曰碣石山今在遼西臨

驪城縣海邊山繩水出焉而東流注于河其中多蒲夷之魚未詳

其上有玉其下多青碧

又北水行五百里至于鴈門之山無草木鴈門山即北

所出因以名云在高柳北

又北水行四百里至于泰澤其中有山焉曰帝都之山

廣員百里無草木有玉金

又北五百里曰錫于母逢之山北望雞號之山其風如

颯颯急風貌也音戾或云飄風也西望幽都之山浴水出焉浴即黑水也是

有大蛇赤首白身其音如牛見則其邑大旱

凡北次三經之首自太行之山以至于無逢之山凡四

十六山萬二千三百五十里其神狀皆馬身而人面者

廿神其祠之皆用一藻蔭瘞之藻聚藻蔭香草蘭之類音昌代反其十

四神狀皆彘身而載玉其祠之皆玉不瘞不瘞所用玉也其十

神狀皆彘身而八足蛇尾其祠之皆用一璧瘞之大凡

四十四神皆用稌糈米祠之此皆不火食

右北經之山志凡八十七山二萬三千二百三十里

山海經第三

山海經卷三

十四

山海經第四

晉郭璞傳

東山經

東山經之首曰檄蟲之山速株北臨乾味也音殊食水

出焉而東北流注于海其中多鱮鱮之魚音容其狀如犂

牛牛似虎文者其音如彘鳴

又南三百里曰藟山誅音其上有玉其下有金湖水出焉

東流注于食水其中多活師謂科斗也爾雅謂之活東

又南三百里曰栒狀之山其上多金玉其下多青碧石

有獸焉其狀如犬六足其名曰從從其鳴自詒有鳥焉

其狀如雞而鼠毛其名曰蜚鼠音咨見則其邑大旱泚水

出焉音而北流注于湖水其中多箴魚其狀如儵其喙

如箴出東海今江東水中亦有之食之無疫疾

又南三百里曰勃絲之山無草木無水

又南三百里曰番條之山無草木多沙減水出焉音同減損

減北流注于海其中多鱖魚一名黃頰音感

又南四百里曰姑兒之山其上多漆其下多桑柘姑兒

之水出焉北流注于海其中多鱖魚

又南四百里曰高氏之山其上多玉其下多箴石可以為砥

針治癰腫諸繩之水出焉東流注于澤其中多金玉

又南三百里曰嶽山其上多桑其下多樗灤水出焉音

東流注于澤其中多金玉

又南三百里曰豺山其上無草木其下多水其中多堪

孖之魚未詳音序有獸焉其狀如夸父而彘毛其音如呼見

則天下大水

又南三百里曰獨山其上多金玉其下多美石末塗之

水出焉而東南流注于沔其中多條蠙條容二音其狀如黃

虵魚翼出入有光見則其邑大旱

又南三百里曰泰山即東嶽岱宗也今在泰山奉高縣西北從山下至頂四十八里三百

步其上多玉其下多金有獸焉其狀如豚而有珠名曰

狢狢音如吟其名自訓環水出焉東流注于江海一作其

中多水玉

又南三百里曰竹山醇于江涯一作無草木多瑤碧激水

出焉而東南流注于娶檀之水其中多莛羸

凡東山經之首自檄蠹之山以至于竹山凡十二山三

千六百里其神狀皆人身龍首祠毛用一犬祈聃用魚

以血塗祭為聃也公羊傳云蓋
中其聃以聃社音鈞餌之餌

東次二經之首曰空桑之山此山出琴瑟
材見周禮也北臨食水東

望沮吳南望沙陵西望潛澤音旻有獸焉其狀如牛而虎

文其音如欽或作
陰其名曰軫軫音靈其鳴自叫見則天下

大水

又南六百里曰曹夕之山其下多穀而無水多鳥獸

又西南四百里曰嶧臯之山音亦其上多金玉其下多白

堊嶧臯之水出焉東流注于激女之水其中多蜃珧蚌

也珧玉珧亦蚌
屬腎遙兩音

又南水行五百里流沙三百里至于葛山之尾無草木

多砥礪

又南三百八十里曰葛山之首無草木澧水出焉音禮東

流注于余澤其中多珠蟹魚音鼈其狀如肺而有目六足

有珠其味酸甘食之無癘無時氣病也呂氏春秋曰澧
水之魚名曰朱蟹六足有珠

魚之美也

又南三百八十里曰餘莪之山其上多梓柟其下多荆

芑雜余之水出焉東流注於黃水有獸焉其狀如菟而

鳥喙鴟目蛇尾見人則眠言佯
死也名曰狢徐仇餘
二音其鳴自

訕見則蝻蝗為敗蝻蝗類也言傷
敗田苗音終

又南三百里曰杜父之山無草木多水

又南三百里曰耿山無草木多水碧亦水玉類多大蛇有獸

焉其狀如狐而魚翼其名曰朱孺音儒其鳴自叫見則其

國有恐

又南三百里曰盧其之山無草木多沙石沙水出焉南

流注于涪水其中多鷲音黎其狀如鴛鴦而人足其鳴

自訃見則其國多土功今鶴胡足頗有似人脚形狀也

又南三百八十里曰姑射之山無草木多水

又南水行三百里流沙百里曰北姑射之山無草木多

石

又南三百里曰南姑射之山無草木多水

又南三百里曰碧山無草木多大蛇多碧水玉

又南五百里曰緱氏之山無草木多金玉原水出焉東

流注于沙澤一曰俠氏之山

又南三百里曰姑逢之山無草木多金玉有獸焉其狀

如狐而有翼其音如鴻鴈其名曰獬獬音獬見則天下大

旱

又南五百里曰鳧麗之山其上多金玉其下多箴石有

獸焉其狀如狐而九尾九首虎爪名曰蠶姪龍姪二音其音

如嬰兒是食人

又南五百里曰礧山音一真反南臨礧水東望湖澤有獸焉

其狀如馬而羊目四角牛尾其音如獐狗其名曰夜夜

音見則其國多狡客狡狡也有鳥焉其狀如鳧而鼠尾善

登木其名曰絜鈎見則其國多疫

凡東次二經之首自空桑之山至于礪山凡十七山六

千六百四十里其神狀皆獸身人面載觥麋鹿屬角為觥音格其

祠毛用一雞析嬰用一璧瘞

凡東次三經之首曰尸胡之山北望殫山音詳其上多金

玉其下多棘有獸焉其狀如麋而魚目名曰嬰胡音婉其

鳴自訶

又南水行八百里曰岐山其木多桃李其獸多虎

又南水行五百里曰諸鈎之山無草木多沙石是山也

廣員百里多寐魚音味即蘇魚

又南水行七百里曰中父之山無草木多沙

又東水行千里曰胡射之山無草木多沙石

又南水行七百里曰孟子之山其木多梓桐多桃李其

草多菌蒲未詳音咽其獸多麋鹿是山也廣員百里其

上有水出焉名曰碧陽其中多鱣鮪鮪即鱣也似鱣而長鼻體無鱗甲別

名鮪鱣一名鱣也

又南水行五百里曰流沙行五百里有山焉曰歧踵之

山歧音企廣員二百里無草木有大蛇其上多玉有水焉

廣員四十里皆涌今河東汾陰縣有漢水源在地底其

名曰淡澤其中多蠺龜蠺音蠺大龜也甲有文彩似瑋蛸而薄音遺知反有魚

焉其狀如鯉而六足鳥尾名曰鮓鮓之魚音蛤其鳴自叫

又南水行九百里曰踰隅之山音敦其上多草木多金玉多赭有獸焉其狀如牛而馬尾名曰精精其鳴自叫

又南水行五百里流沙三百里至于無臯之山南望幼海即少海也淮南子曰東方大渚曰少海東望搏木扶桑二音無草木多風是山也廣員百里

凡東次三經之首自尸胡之山至于無臯之山凡九山六千九百里其神狀皆人身而羊角其祠用一牡羊米用黍是神也見則風雨水為敗

又東次四經之首曰北號之山臨于北海有木焉其狀如楊赤華其實如棗而無核其味酸甘食之不瘡食水出焉而東北流注于海有獸焉其狀如狼赤首鼠目其

音如豚名曰獨狙葛首二音是食人有鳥焉其狀如雞而白首鼠足而虎爪其名曰魁音雀亦食人

又南三百里曰旄山無草木蒼體之水出焉而西流注于展水其中多鱸魚今蝦鱸字亦或作鱸秋音其狀如鯉而大首食者不疣

又南三百二十里曰東始之山上多蒼玉有木焉其狀如楊而赤理其汁如血不實其名曰芑音起可以服馬以

塗之則馬調良泚水出焉而東北流注于海其中多美貝多莖魚其狀如鮒一首而十身其臭如蘼蕪食之不糲字謂反上

也失氣又東南三百里曰女烝之山其上無草木石膏水出焉

而西注于鬲水其中多薄魚其狀如鱸魚而一目其音如歐吐如人嘔聲也見則天下大旱

又東南二百里曰欽山多金玉而無石師水出焉而北流注于臯澤其中多鱸魚多文具獸焉其狀如豚而有牙其名曰當康其鳴自叫見則天下大穰

又東南二百里曰子桐之山子桐之水出焉而西流注于餘如之澤其中多鰮魚音滑其狀如魚而鳥翼出入有光其音如鴛鴦見則天下大旱

又東北二百里曰剡山多金玉有獸焉其狀如彘而人面黃身而赤尾其名曰合窳音庾其音如嬰兒是獸也食人亦食蟲蛇見則天下大水

又東二百里曰太山上多金玉楨木女楨也葉冬不凋有獸焉

其狀如牛而白首一目而蛇尾其名曰蜚音如翡翠之行水

則竭行草則死見則天下大疫言其體含災氣也其銘曰蜚之為名體似無害

所經枯竭甚於鳩屬萬物斯懼思爾遐逝多鱸魚

凡東次四經之首自北號之山至于太山凡八山一千七百二十三

右東經之山志凡四十六山萬八千八百六十里

山海經第四

山海經第五

中山經

晉郭璞傳

中山經薄山之首曰甘棗之山其水出焉音恭而西流注

于河其上多柎木其下有草焉葵本而杏葉或作楷葉黃華

而莢實名曰籜他落反可以已瞖音盲有獸焉其狀如獸鼠

而文題獸鼠所未詳音虺字亦或作虺其名曰難音那或作熊也食之已瘿

又東二十里曰歷兒之山其上多榘多橐木音厲是木也

方莖而員葉黃華而毛其實如棟棟木名子如指頭白而黏可以浣衣也音

練或作簡服之不忘

又東十五里曰渠豬之山其上多竹渠豬之水出焉而

南流注于河其中是多豪魚狀如鮪鮪似赤喙尾赤羽

可以已白鮮

又東二十五里曰蔥壠之山其中多大谷是多白堊黑

青黃堊言有雜色堊也

又東十五里曰淩山倭音其中多赤銅其陰多鐵

又東七十里曰脫扈之山有草焉其狀如葵葉而赤華

莢實實如椶莢今椶木莢似阜莢也名曰植楮可以已癩癩病也淮南子

曰狸頭已癩也食之不眯

又東二十里曰金星之山多天嬰其狀如龍骨可以已

瘞癰瘞也

又東七十里曰泰威之山其中有谷曰臬谷其中多鐵

或無谷字

又東十五里曰檀谷之山其中多赤銅或作檀谷之山

又東百二十里曰吳林之山其中多薺草亦管字

又北三十里曰牛首之山今長安西南有牛首山上有館下有水未知此是非有

草焉名曰鬼草其葉如葵而赤莖其秀如禾服之不憂

勞水出焉而西流注于湑水音如譎詐之譎是多飛魚其狀如

鮒魚食之已痔衄

又北四十里曰霍山今平陽永安縣廬江濳縣晉安羅江縣河南鞏縣皆有霍山明山以

霍為名者非一矣按爾雅大山繞小山為霍其水多穀有獸焉其狀如狸而

白尾有鬣名曰肫肫養之可以已憂謂蓄養之也普味反

又北五十二里曰合谷之山是多蒼棘未詳音瞻

又北三十五里曰陰山亦曰陰山多礪石文石礪石石中磨者少水出焉其中多彫棠其葉如榆葉而方其實如赤菽菽食之已聾

又東北四百里曰鼓鐙之山多赤銅有草焉名曰榮草其葉如柳其本如雞卵食之已風

凡薄山之首自甘棗之山至于鼓鐙之山凡十五山六

千六百七十里歷兒冢也其祠禮毛太牢之具縣以吉

玉縣祭山之名也見爾雅其餘十三山者毛用一羊縣嬰用桑封

瘞而不禘桑封者桑主也方其下而銳其上而中穿之

加金言作神主而祭以金銀飾之也公羊傳曰虞主用桑主或作玉

中次二經濟山之首曰燿諸之山其上多桑其獸多閭

麋其鳥多鷓似雉而大青色有毛勇健鬪死乃止音過出上黨也

又西南二百里曰發視之山其上多金玉其下多砥礪

即魚之水出焉而西流注于伊水

又西三百里曰豪山其上多金玉而無草木

又西三百里曰鮮山多金玉無草木鮮水出焉而北流

注于伊水其中多鳴蛇其狀如蛇而四翼其音如磬見

則其邑大旱

又西三百里曰陽山多石無草木陽水出焉而北流注

于伊水其中多化蛇其狀如人面而豺身鳥翼而蛇行

其音如叱呼見則其邑大水

又西二百里曰昆吾之山其上多赤銅此山出名銅色赤如火以之作

刀切玉如割泥也周穆王時西戎獻之尸子所謂昆吾之劍也越絕書曰赤堇之山破而出錫若邪之谷涸而出銅歐冶子因以爲純鉤之劍汲郡冢中得銅劍一枝長三尺五寸乃今所名爲于將劍汲郡亦皆非鐵也明古者通以錫雜銅爲兵器也

有獸焉其狀如彘而有角其音如號

號人

又西百二十里曰茲山音茲茲水出焉而北流注于伊水

其上多金玉其下多青雄黃有木焉其狀如棠而赤葉

名曰苾草音苾可以毒魚

又西一百五十里曰獨蘇之山無草木而多水

又西二百里曰蔓渠之山其上多金玉其下多竹箭伊

水出焉而東流注于洛今伊水出上洛盧氏縣熊耳山東北至河南洛陽縣入洛有

獸焉其名曰馬腹其狀如人面虎身其音如嬰兒是食

人

凡濟山經之首自輝諸之山至于蔓渠之山凡九山一

千六百七十里其神皆人面而鳥身祠用毛擇用一毛色

吉玉投而不糝

中次三經蓐山之首曰敖岸之山或作獻蓐音倍其陽多璵璠

之玉其陰多赭黃金神熏池居之是常出美玉或作北石

望河材其狀如禱如舉說者云禱舉皆木名也未詳禱音倩有獸焉其狀

如白鹿而四角名曰夫諸見則其邑大水

又東十里曰青要之山實惟帝之密都天帝曲密之邑北望河

曲河十里是多駕鳥未詳也或曰駕宜南望墠渚水

小川名渚禹父之所化此然則一已有變怪之性者亦

無化而武羅神名是多僕僕累蝸牛也爾雅纒武羅司之

以鏐鏐金銀器之名其狀人面而豹文小腰而白齒或作首而穿耳

子畛水出焉軫音而北流注于河其中有鳥焉名曰鵯音如

焉其狀如薺管似而方莖黃華赤實其本如藁本根似

亦香名曰荀草或曰苞草服之美人色令人愛

又東十里曰騮山音魏其上有美棗其陰有瑇瑁之玉正

回之水出焉而北流注于河其中多飛魚其狀如豚而

赤文服之不畏雷可以禦兵

又東四十里曰宜蘇之山其上多金玉其下多蔓居之

木詳未瀟瀟之水出焉音容而北流注于河是多黃貝

又東二十里曰和山其上無草木而多瑤碧實惟河之

九都九水所潛是山也五曲五曲回九水出焉合而北流

注于河其中多蒼玉吉神泰逢司之善也其狀如人而

虎尾或作雀尾是好居于萑山之陽出入有光泰逢神動天

地氣也言其有靈爽能興雲雨也夏后孔甲田於萑山

春秋也

凡萑山之首自敖岸之山至于和山凡五山四百四十

里其祠泰逢熏池武羅皆一牡羊副副謂破羊骨磔之

之惴惴嬰用吉玉其二神用一雄雞瘞之糝用稌

中次四經釐山之首音狸曰鹿蹄之山其上多玉其下多

五

五

五

五

五

五

五

五

金甘水出焉而北流注于洛其中多冷石冷石未聞也

西五十里曰扶豬之山其上多礪石音栗今鴈門山中

水中有赤色者有獸焉其狀如貉而人目貉或作其名曰麇音

或作號水出焉而北流注于洛其中多孺石言亦出

又西一百二十里曰釐山其陽多玉其陰多菟音搜茅

菟音搜茅有獸焉其狀如牛蒼身其音如嬰兒是食人其名

曰犀渠瀟瀟之水出焉而南流注于伊水有獸焉名曰

獺音蒼頡其狀如獐犬而有鱗其毛如彘鬣生鱗

又西二百里曰箕尾之山多穀多涂石其上多璆瑋之

玉

又西二百五十里曰柄山其上多玉其下多銅滔雕之

水出焉而北流注于洛其中多羶羊有木焉其狀如樗

其葉如桐而莢實其名曰芟可以毒魚芟一作艾

又西二百里曰白邊之山其上多金玉其下多青雄黃

又西二百里曰熊耳之山今在上洛縣南其上多漆其下多椶

浮濠之水出焉而西流注于洛其中多水玉多人魚有

草焉其狀如蘇而赤華名曰葶藶葶寧取可以毒魚

又西三百里曰牡山其上多文石其下多竹箭竹簾其

獸多牝牛羶羊鳥多赤鷩音閉即鷩雉也

又西三百五十里曰謹舉之山雒水出焉而東北流注

于玄扈之水其中多馬腸之物此二山者洛間也洛水

上洛縣冢嶺山河圖曰玄扈洛汭謂此間也

凡釐山之首自鹿蹄之山至于玄扈之山凡九山千六百七十里其神狀皆人面獸身其祠之毛用一白雞祈而不糝言直祈禱以彩衣之飾雞

中次五經薄山之首曰苟牀之山或作苟林山無草木多怪

石怪石似玉也書曰鉛松怪石也

東三百里曰首山其陰多穀柞草多茺芫茺山薊也茺芫華中藥其

陽多瓊瑀之玉木多槐其陰有谷曰机谷多馱鳥音如鈇鈇之鈇

其狀如梟而三目有耳其音如錄食之已墊未聞

又東三百里曰縣屬之山音如斤屬之屬無草木多文石

又東三百里曰蔥蘢之山無草木多摩石未詳

東北五百里曰條谷之山其木多槐桐其草多芍藥

冬本草經曰鹽冬一名滿冬今作門俗作耳

又北十里曰超山其陰多蒼玉其陽有井冬有水而夏

竭

又東五百里曰成侯之山其上多樵木似樗樹材中車轅吳人呼樵音

輜車或曰輜車其草多芄

又東五百里曰朝歌之山谷多美堊

又東五百里曰槐山谷多金錫

又東十里曰歷山其木多槐其陽多玉

又東十里曰尸山多蒼玉其獸多麋似鹿而小黑色尸水出焉

南流注于洛水其中多美玉

又東十里曰良餘之山其上多穀柞無石餘水出于其

陰而北流注于河乳水出于其陽而東南流注于洛

又東南十里曰蠱尾之山多礪石赤銅龍餘之水出焉

而東南流注于洛

又東北二十里曰升山其木多穀柞棘其草多藟蕙

蕙香也多寇脫寇脫草生南方高丈許似荷葉而莖中有

黃酸之水出焉而北流注于河其中多璇玉石次玉者

璇玉瑤珠不知佩璇音旋

又東十二里曰陽虛之山多金臨于玄扈之水河圖曰

帝南巡狩登陽虛之山臨於玄扈洛汭靈龜負書丹甲青文以授之出此水中也

凡薄山之首自苟林之山至于陽虛之山凡十六山二

千九百八十二里升山冢也其祠禮太牢嬰用吉玉首

山魍也其祠用稌黑犧太牢之具釀釀以釀作醴酒也于儻儻干

萬儻干楯也置鼓擊之嬰用一璧尸水合天也天神之肥牲

祠之用一黑犬于上用一雌雞于下剗一牝羊獻血

祭也剗猶剗也周禮曰剗叫奉犬牲嬰用吉玉彩之又加以繒饗之勸強

特牲饋食禮曰執奠祝饗是也

中次六經縞羝山之首曰平逢之山南望伊洛東望穀

城之山在濟北穀城縣西黃石公石無草木無水多沙

石有神焉其狀如人而二首名曰驕蟲是為螫蟲為螫

長實惟蜂蜜之廬言羣蜂之所舍其祠之用一雄雞禳

而勿殺禳亦祭名謂禳却惡氣也

西十里曰縞羝之山無草木多金玉

又西十里曰廩山音如環其陰多璆瑋之玉其西有谷

焉名曰藿谷其木多柳楮其中有鳥焉狀如山雞而長

尾赤如丹火而青喙名曰鴿鷄鈴要二音其鳴自呼服之不

昧交觴之水出于其陽而南流注于洛俞隨之水出于

其陰而北流注于穀水

又西三十里曰瞻諸之山其陽多金其陰多文石謝水

出焉音謝而東南流注于洛少水出其陰而東流注于穀

水世謂之慈澗

又西三十里曰婁涿之山無草木多金玉瞻水出于其

陽而東流注于洛陂水出于其陰世謂之百答水而北流注于

穀水其中多訛石文石

又西四十里曰白石之山惠水出于其陽而南流注于

洛其中多水玉澗水出于其陰書曰伊洛澗西北流注于穀

水其中多麋石櫨丹皆未聞

又西五十里曰穀山其上多穀其下多桑爽水出焉世謂

之紆而西北流注于穀水其中多碧綠麻澗

又西七十二里曰密山今滎陽密縣亦有密山疑非也其陽多玉其陰

多鐵豪水出焉而南流注于洛其中多旋龜其狀鳥首

而鼈尾其音如判木無草木

又西百里曰長石之山無草木多金玉其西有谷焉名

曰共谷多竹其水出焉西南流注于洛其中多鳴石晉

康元年襄陽郡上鳴石似玉色青撞之聲聞七八里今零陵泉陵縣永正鄉有鳴石二所其一狀如鼓俗因名

為石鼓即此類也

又西一百四十里曰傅山無草木多瑤碧厭染之水出

于其陽而南流注于洛其中多人魚其西有林焉名曰

潘冢音番穀水出焉而東流注于洛今穀水出穀陽谷東北至穀城縣入洛河

其中多珣玉未聞也珣音堙

又西五十里曰橐山其木多樗多楠木今蜀中有楠木七八月中吐穗

穗成如有鹽粉著狀可以酢羹音備其陽多金玉其陰多鐵多蕭蕭蒿見爾雅

橐水出焉而北流注于河其中多脩辟之魚狀如鼃鼃屬也

而白喙其音如鴟食之已白癩

又西九十里曰常烝之山無草木多堊漵水出焉音譙而

東北流注于河其中多蒼玉蓄水出焉而北流注于河

又西九十里曰夸父之山其木多椶櫚多竹箭其獸多

柞牛羝羊其鳥多驚其陽多玉其陰多鐵其北有林焉

名曰桃林是廣員三百里其中多馬桃林今弘農湖縣關鄉南谷中是也

饒野馬山羊山牛也湖水出焉而北流注于河其中多珣玉

又西九十里曰陽華之山其陽多金玉其陰多青雄黃

其草多藟蕪多苦辛其狀如櫛即楸字也其實如瓜其味酸

甘食之已瘡楊水出焉而西南流注于洛其中多人魚

門水出焉而東北流注于河其中多玄礪黑砥石水中縉姑

之水出于其陰縉音藉而東流注于門水其上多銅門水

出于河七百九十里入雒水

凡縞羝山之首自平逢之山至于陽華之山凡十四山

日九十里嶽在其中以六月祭之六月亦歲之中如諸嶽之

祠法則天下安寧

中次七經苦山之首曰休與之山與或作與下同其上有石焉

名曰帝臺之棋帝臺神人名棋謂博棋也五色而文其狀如鷄卵帝

臺之石所以禱百神者也禱祀百神則用此石服之不壘有草焉

其狀如著赤葉而本叢生名曰夙條可以為籥中箭筈也

東三百里曰鼓鍾之山帝臺之所以觴百神也舉觴燕會則於

此山因名為鼓鍾也有草焉方莖而黃華員葉而三成葉三重也其名

曰焉酸可以為毒治為其上多礪其下多砥

又東二百里曰姑媯之山音遙或無之山字帝女死焉其名曰

女尸化為萋草其葉胥成言葉相重也亦音遙其華黃其實如菟

丘菟丘菟絲也見爾雅服之媚于人為人所愛也傳曰人服媚之如是一名荒夫草

又東二十里曰苦山有獸焉名曰山膏其狀如逐即豚字

赤若丹火善詈好罵人其上有木焉名曰黃棘黃華而員

葉其實如蘭服之不字字生也易曰女子貞不字有草焉員葉而無

莖赤華而不實名曰無條服之不瘦

又東二十七里曰堵山神天愚居之是多怪風雨其上

有木焉名曰天楸音鞭方莖而葵狀服者不啞食不噎也

又東五十二里曰放臯之山放或作牧又作牧明水出焉南流

注于伊水其中多蒼玉有木焉其葉如槐黃華而不實

其名曰蒙木服之不惑有獸焉其狀如蜂枝尾而反舌

善呼好呼喚也其名曰文文

又東五十七里曰大誓之山多璵璠之玉多麋玉未詳有

草焉其狀葉如榆方莖而蒼傷其名曰牛傷猶言牛棘其根

蒼文服者不厥厥逆氣病可以禦兵其陽狂水出焉西南流

注于伊水其中多三足龜今吳興陽羨縣有君山山上

龜三足者名貴出爾雅食者無大疾可以已腫

又東七十里曰半石之山其上有草焉生而秀其高丈

餘赤葉赤華華而不實初生先作穗却著葉花生穗間其名曰嘉榮服

之者不霆不畏雷霆霹靂也音廷搏之廷來需之水出于其陽而西流

注于伊水其中多鱸魚倫音黑文其狀如鮒食者不睡合

水出于其陰而北流注于洛多騰魚騰音狀如鰕居達鰕

大口大目細鱗有斑彩透水中之穴道交通者鰕音刺蒼文赤尾食者不癰可以

為癰癰癰屬也中多有蟲淮南子曰雞頭已癰音漏

又東五十里曰少室之山今在河南陽城西俗名泰室百草木成困

未詳其上有木焉其名曰帝休葉狀如楊其枝五衢言樹枝交

錯相重五出有象衢路也離騷曰靡萍九衢黃華黑實服者不怒其上多玉

此山巔亦有白玉膏得服之即得仙道世人不能上也詩含神霧云其下多鐵休水出焉

而北流注于洛其中多鯢魚狀如鰌未詳鰌音懈而長距

足白而對未詳食者無蠱疾可以禦兵

又東三十里曰泰室之山即中嶽嵩高山也今在陽城縣西其上有木

焉葉狀如黎而赤理其名曰栒木音郁服者不妒有草焉

其狀如茱木似白華黑實澤如蓂言子其名曰蓂草

服之不昧上多美石次玉者也啓母化為石而生啓在此山見淮南子

又北三十里曰講山其上多玉多柘多柏有木焉名曰帝屋葉狀如椒反傷赤實反傷刺下勾也可以禦凶

又北三十里曰嬰梁之山上多蒼玉錞于玄石言蒼玉而生也或曰錞于樂器名形似椎頭

又東三十里曰浮戲之山有木焉葉狀如樗而赤實名曰亢木食之不蠱汜水出焉而北流注于河其東有谷

因名曰蚺谷言此中出蚺故以名之上多少辛細辛也

又東四十里曰少陁之山有草焉名曰蔞草音剛葉狀如葵而赤莖白華實如蓂蓂食之不愚言益人智器難之水出焉或作罍而北流注于役水一作侵

又東南十里曰太山別有東小太山今在朱虛縣汶水所出疑此非也有草焉

名曰黎其葉狀如荻荻亦蒿也音狄而赤華可以已疽太水出

于其陽而東南流注于沒水世謂之禮水承水出于其陰而

東北流注于沒世謂之靖澗水

又東二十里曰末山上多赤金末水出焉北流注于沒

水經作沫

又東二十五里曰役山上多白金多鐵役水出焉北注于河

又東三十五里曰敏山上有木焉其狀如荆白華而赤實名曰薊音計柏服者不寒耐寒其陽多璆璵之玉

又東三十里曰大騮之山今榮陽密縣有大騮山騮因溝水所出音歸其陰

多鐵美玉青瑩有草焉其狀如著而毛青華而白實其

名曰猿音狼服之不夭言盡壽也可以為腹病為治也

凡苦山之首自休與之山至于大騮之山凡十有九山

千一百八十四里其十六神者皆豕身而人面其祠毛

捨用一羊羞言以為薦羞嬰用一藻玉瘞藻玉玉有五彩者

也藻藉苦山少室太室皆冢也其祠之太牢之具嬰以吉

玉其神狀皆人面而三首其餘屬皆豕身人面也

中次八經荆山之首曰景山今在南其上多金玉其木

多杼檀杼音椽水出焉唯音癰東南流注于江今唯

新城魏昌縣東南發阿山東其中多丹粟多文魚有斑

東北百里曰荆山今在新城其陰多鐵其陽多赤金其

中多犛牛犛牛屬也黑色出西南多豹虎其木多松柏

其草多竹多橘櫟櫟似橘而大漳水出焉而東南流注

于睢出荆山至南郡其中多黃金多鮫魚鮫魚類也

堅尾長三四尺末有毒螫人皮可飾刀其獸多閭麋似

也而大又東北百五十里曰驕山其上多玉其下多青護其木

多松柏多桃枝鈎端神蠹圍處之蠹音蠹其狀如人面

羊角虎爪恒遊于睢漳之淵淵水之出入有光

又東北百二十里曰女几之山其上多玉其下多黃金

其獸多豹虎多閭麋麋似獐而大其鳥多白鷓

鷓似雉尾多翟多鴝鴝大如鴝其鳥多白鷓

走且鳴音鷓尾多翟多鴝食鴝名運日雌名陰

也諧

又東北二百里曰空諸之山其上多金玉其下多青護
澗水出焉音說而南流注于漳山今澗水出南郡東澗其中
多白玉

又東北三百五十里曰綸山音倫其木多梓柟多桃枝多

相栗橘櫟相似栗而酢其獸多閭麀麀麀似菟而鹿脚青色音綽

又東北二百里曰陸郈之山音如跪其上多璵璠之玉

其下多璽其木多柎榘

又東百三十里曰光山其上多碧其下多木神計蒙處
之其狀人身而龍首恒遊于漳淵出入必有飄風暴雨

又東百五十里曰岐山其陽多赤金其陰多白珉石似玉者

音旻其上多金玉其下多青護其木多樗神涉巖處之徒

切一作翼其狀人身而方面三足

又東百三十里曰銅山其上多金銀鐵其木多穀柞相

栗橘櫟其獸多豹

又東北一百里曰美山其獸多兕牛多閭麀多豕鹿其
上多金其下多青護

又東北百里曰大堯之山其木多松柏多梓桑多机其
草多竹其獸多豹虎麀麀

又東北三百里曰靈山其上多金玉其下多青護其木

多桃李梅杏梅似杏而酢也

又東北七十里曰龍山上多寓木寄生也一名宛童見爾雅其上多

碧其下多赤錫其草多桃枝鈎端

又東南五十里曰衡山上多寓木穀柞多黃堊白堊

又東南七十里曰石山其上多金其下多青護多寓木

又南百二十里曰若山其上多璵璠之玉多赭赤多邽

石未詳多寓木多柘若或作前

又東南一百二十里曰彘山多美石多柘

又東南一百五十里曰玉山其上多金玉其下多碧鐵

其木多柏一作檜

又東南七十里曰謹山其木多檀多邽石多白錫今白鐵也

郁水出于其上潛于其下其中多砥礪

又東北百五十里曰仁舉之山其木多穀柞其陽多赤

金其陰多赭

又東五十里曰師每之山其陽多砥礪其陰多青護其木多柏多檀多柘其草多竹

又東南二百里曰琴鼓之山其木多穀柞椒柘椒為樹小而叢

生下有草木則蠹死其上多白珉其下多洗石其獸多豕鹿多白

犀其鳥多鳩

凡荆山之首自景山至琴鼓之山凡二十三山二千八

百九十里其神狀皆鳥身而人面其祠用一雄雞祈瘞

禱請已埋之也用一藻圭糝用稌驕山冢也其祠用羞酒少牢

祈瘞嬰毛一璧

中次九經岷山之首曰女凡之山其上多石涅其木多

柎檀其草多菊荒洛水出焉東注于江其中多雄黃雄黃

亦出其獸多虎豹

又東北三百里曰岷山江水出焉岷山今在汶山郡廣陽縣西大江所出

東北流注于海至廣陽縣入海其中多良龜善多鼉者似蜥蜴大

有鱗彩皮其多金玉其下多白珉其木多梅棠其獸

多犀象多夔牛今蜀山中有大牛重數千斤名為夔牛

得三十八擔肉其鳥多翰鷲白翰赤鷲

又東北一百四十里曰岷山江水出焉即來山今在漢嘉嚴道縣南江

水所自出也山有九折阪出猶東流注大江其陽多黃

金其陰多麋麇其木多檀柘其草多薤韭多葍即空奪

即蛇皮脫也

又東一百五十里曰岷山音居江水出焉北東流注于大

江其中多怪蛇今永昌郡有鈎蛇長數丈尾岐在水中

此類也多鰲魚音鰲未聞其木多櫛柎猶剛木也中多梅梓其

獸多夔牛麋麇犀兕有鳥焉狀如鴉而赤身白首其名

曰竊脂今呼小青雀曲背肉食者為竊脂疑此非也可以禦火

又東三百里曰高梁之山其上多堊其下多砥礪其木

多桃枝鈎端有草焉狀如葵而赤華莢實白柎可以走

馬

又東四百里曰蛇山其上多黃金其下多堊其木多栒

多豫樟其草多嘉榮少辛有獸焉其狀如狐而白尾長

耳名狔狼音巴見則國內有兵一作國有亂

又東五百里曰鬲山其陽多金其陰多白珉蒲薹音薹之

水出焉而東流注于江其中多白玉其獸多犀象熊羆

多猿蝮色雨則自懸樹以尾塞鼻孔或以兩指塞之

又東北三百里曰隅陽之山其上多金玉其下多青雘

其木多梓桑其草多芘徐之水出焉東流注于江其中

多丹粟

又東二百五十里曰岐山今在扶風美陽縣西其上多白金其下

多鐵其木多梅梓梅或作藪多柎榘減水出焉東南流注于

江

又東三百里曰勾欄之山音絡据其上多玉其下多黃

金其木多櫟柘其草多芍藥

又東一百五十里曰風雨之山其上多白金其下多石

涅其木多椴櫟椴木未詳也櫟木白多楊宣余之水出

焉東流注于江其中多蛇其獸多閭麋多麀豹虎其鳥

多白鷓

又東北二百里曰玉山其陽多銅其陰多赤金其木多

豫樟榘柎其獸多豕鹿麋麋其鳥多鳩

又東一百五十里曰熊山有穴焉熊之穴恒出神人夏

啓而冬閉是穴也冬啓乃必有兵今鄴西北有鼓山下

鳴則有軍事與此穴殊象而相應其上多白玉其下多白金其木多樗

柳其草多寇脫

又東一百四十里曰騶山其陽多美玉赤金其陰多鐵

其木多桃枝荆芭

又東二百里曰葛山其上多赤金其下多城石城石勁石似玉

也音其木多相栗橘櫛柎其獸多麀麋其草多嘉榮

又東一百七十里曰賈超之山其陽多黃堊其陰多美

赭其木多相栗橘櫛柎其中多龍脩龍須也似莞而細生山石穴中莖倒垂可

以為

凡岷山之首自女几山至于賈超之山凡十六山三千

五百里其神狀皆馬身而龍首其祠毛用一雄雞瘞糝

用稌文山勾欄風雨醜之山是皆冢也其祠之羞酒進先

酒以少牢具嬰毛一吉玉熊山席也席者神之所馮止也其祠羞

酒太牢具嬰毛一璧于儻用兵以禳禳者持盾武儻也

祈璆冕舞祈求福祥也祭用玉儻者冕服也美玉曰璆已求反

中次十經之首曰首陽之山其上多金玉無草木

又西五十里曰虎尾之山其木多椒楮多封石其陽多

赤金其陰多鐵

又西南五十里曰繁績音潰之山其木多櫛柎其草多枝

勾今山中

又西南二十里曰勇石之山無草木多白金多水

又西二十里曰復州之山其木多檀其陽多黃金有鳥

焉其狀如鴉而一足彘尾其名曰跂踵見則其國大疫

銘曰跂踵為鳥一足似夔不為樂興反以來悲

又西三十里曰楮山多寓木多椒楮多柘多堊一作渚

又西二十里曰又原之山其陽多青護其陰多鐵其鳥

多鸚鵡鸚鵡也傳曰鸚鵡

又西五十里曰涿山其木多穀柞杻其陽多璆瑋之玉

又西七十里曰丙山其木多梓檀多欵杻欵義所未詳

凡首陽山之首自首山至于丙山凡九山二百六十七

里其神狀皆龍身而人面其祠之毛用一雄雞瘞糝用

五種之糝堵山冢也其祠之少牢具羞酒祠嬰毛一璧

瘞騶山帝也其祠羞酒太牢其合巫祝二人儻嬰一璧

中次一十一山經荆山之首曰翼望之山湍水出焉鹿搏

反東流注于濟今湍水逕南陽穰縣而入清水既水出焉音東南流注

于漢其中多蛟似蛇而四脚小頭細瀨有白瘿大者十數圍卵如一石瓮能吞人其上

多松柏其下多漆梓其陽多赤金其陰多珉

又東北一百五十里曰朝歌之山澠水出焉澠水今在

武東南流注于滎其中多人魚其上多梓枏其獸多

麀麀有草焉名曰莽草可以毒魚今用之殺魚

又東南二百里曰帝囷之山去倫反其陽多璆瑋之玉其

陰多鐵帝囷之水出于其上潛于其下多鳴虵

又東南五十里曰視山其上多韭有井焉名曰天井夏

有水冬竭其上多桑多美堊金玉

又東南二百里曰前山其木多楮似梓子可食冬夏生

作儲多柏其陽多金其陰多赭

又東南三百里曰豐山有獸焉其狀如猿赤目赤喙黃

身名曰雍和見則國有大恐神耕父處之常遊清泠之

淵出入有光清冷水在西號郊縣山上神來見則其國
為敗有九鍾焉是知霜鳴霜降則鍾鳴故言知也物其
上多金其下多穀柞杻榘

又東北八百里曰兔牀之山其陽多鐵其木多諸蕪其
草多雞穀其本如雞卵其味酸甘食者利于人

又東六十里曰皮山多堊多赭其木多松柏

又東六十里曰瑤碧之山其木多梓柟其陰多青護其
陽多白金有鳥焉其狀如雉恒食蜚名曰鳩蜚負盤也音翽此夏

一種鳥非食地之鳩也

又東四十里曰支離之山濟水出焉南流注于漢今濟水出
酈縣西北山中南入漢酈離音字亦同有鳥焉其名曰嬰勺其狀如鵲赤

目赤喙白身其尾若勺勺似酒形其鳴自呼多牝牛多羝羊

又東北五十里曰秩簡之山音彤其上多松柏机柏机似柳

皮黃不措子如棟著酒中飲之辟惡氣浣衣去垢核堅正黑可以間香纓一名括樓也

又西北一百里曰董理之山其上多松柏多美梓其陰
多丹雘多金其獸多豹虎有鳥焉其狀如鵲青身白喙

白目白尾名曰青耕可以禦疫其鳴自叫

又東南三十里曰依軫之山音枯多杻榘多苴音未詳

有獸焉其狀如犬虎爪有甲其名曰鱗言體有鱗甲音吝善駛

傘跳躍自撲也食者不風不畏天風

又東南三十五里曰即谷之山多美玉多玄豹黑豹也即今荆

州山中出多閭麋多麀彘其陽多珉其陰多青護

又東南四十里曰雞山其上多美梓多桑其草多韭

又東南五十里曰高前之山其上有水焉甚寒而清或

潛帝臺之漿也今河東解縣南檀首山上有水潛飲之

者不心痛其上有金其下有赭

又東南三十里曰游戲之山多杻榘穀多玉多封石

又東南三十五里曰從山其上多松柏其下多竹從水

出于其上潛于其下其中多三足鼈枝尾三足鼈名能見爾雅食

之無蠱疫

又東南三十里曰嬰磈之山音真其上多松柏其下多梓

標

又東南三十里曰畢山帝苑之水出焉東北流注于視

其中多水玉多蛟其上多璆瑋之玉

又東南二十里曰樂馬之山有獸焉其狀如彙赤如丹

火其名曰猴音庚見則其國大疫

又東南二十五里曰葳山視水出焉或曰視宜為瀕瀕水今在南陽也

東南流注于汝水其中多人魚多蛟多頡如青

又東四十里曰嬰山其下多青釭其上多金玉

又東三十里曰虎首之山多苴桐楛桐未詳也音彫

又東二十里曰嬰侯之山其上多封石其下多赤錫

又東五十里曰大孰之山殺水出焉東北流注于視水

其中多白堊

又東四十里曰卑山其上多桃李苴梓多纍今虎豆狸豆之屬纍

一名滕
音未

又東三十里曰倚帝之山其上多玉其下多金有獸焉

其狀如鼯鼠爾雅說鼠有十三種中有此鼠形所未詳也音狗吠之吠白耳白喙名

曰狙如音即見則其國有大兵

又東三十里曰鯢山音倪鯢水出于其上潛于其下其中

多美聖其上多金其下多青護

又東三十里曰雅山澧水出焉音禮今澧水出南陽東流注于視

水其中多大魚其上多美桑其下多苴多赤金

又東五十里曰宣山淪水出焉東南流注于視水其中

多蛟其上有桑焉大五十尺圍五丈也其枝四衢言枝交其

葉大尺餘赤理黃華青柎名曰帝女之桑婦女主蠶故以名桑

又東四十五里曰衡山今衡山在衡陽湘南縣嶽也俗謂之响嶺山其上多

青護多桑其鳥多鸚鵡

又東四十里曰豐山其上多封石其木多桑多羊桃狀

如桃而方莖一名桃可以為皮張治皮腫起

又東七十里曰姬山其上多美玉其下多金其草多雞

穀

又東三十里曰鮮山其木多楸杻苴其草多薺冬其陽

多金其陰多鐵有獸焉其狀如膜大赤喙赤目白尾見

則其邑有火名曰侈音移

又東三十里曰章山或作童山其陽多金其陰多美石臯水

出焉東流注于澧水其中多脆石未聞魚脆反

又東二十五里曰大支之山其陽多金其木多穀柞無草木

又東五十里曰區吳之山其木多苴

又東五十里曰聲匈之山其木多穀多玉上多封石

又東五十里曰大騄之山山疑同有此其陽多赤金其陰

多砥石

又東十里曰踵白之山無草木

又東北七十里曰歷或作磨石之山其木多荆芑其陽多

黃金其陰多砥石有獸焉其狀如狸而白首虎爪名曰

梁渠見則其國有大兵

又東南一百里曰求山求水出于其上潛于其下中有

美楮其木多苴多籊籊屬其陽多金其陰多鐵

又東二百里曰丑陽之山其上多桐楛有鳥焉其狀如

鳥而赤足名曰馱餘音如枳可以禦火

又東三百里曰奧山其上多柏柎檀其陽多璵璠之玉

奧水出焉東流注于視水

又東三十五里曰服山其木多苴其上多封石其下多

赤錫

又東三百里曰杳山其上多嘉榮草多金玉

又東三百五十里曰凡山其木多櫛檀柎其草多香有

獸焉其狀如彘黃身白頭白尾名曰聞隣音鄰見則天下

大風麟一作

凡荆山之首自翼望之山至于凡山凡四十八山三千七百三十二里其神狀皆彘身人首其祠毛用一雄雞祈瘞用一珪糈用五注之精備五穀之美者禾山帝也其祠太牢之具羞瘞倒毛薦羞反倒牲埋之也用一璧牛無常堵山玉山冢也皆倒祠羞毛少牢嬰毛吉玉

中次十二經洞庭山之首曰篇遇之山或作無草木多黃金

又東南五十里曰雪山無草木有桂竹甚毒傷人必死今始興郡桂陽縣出筰竹大者圍二尺長四丈又交趾有筰竹實中勁強有毒銳以刺虎中之則死亦此類也其上多黃金其下多璆琇之玉

又東南一百三十里曰龜山其木多穀柞桐椐其上多

黃金其下多青雄黃多扶竹邛竹也高節實中中杖也名之扶老竹

又東七十里曰丙山多筰竹多黃金銅鐵無木

又東南五十里曰風伯之山其上多金玉其下多瘖石

文石未詳瘖石之義多鐵其木多柳柎檀楮其東有林焉名曰

莽浮之林多美木鳥獸

又東一百五十里曰夫夫之山其上多黃金其下多青

雄黃其木多桑楮其草多竹雞鼓神于兒居之其狀人

身而身操兩蛇常遊于江淵出入有光

又東南一百二十里曰洞庭之山今長沙巴陵縣西又有洞庭陂潛伏通江

離騷曰澶吾道今洞庭洞庭波兮木葉下皆謂此也字或作銅宜從水其上多黃金其下

多銀鐵其木多相梨橘櫟其草多薺蘼蕪芍藥芎藭蕪蘼

似地牀帝之二女居之天帝之二女而處江為神即列
而香也謂湘夫人稱帝子者是也而河圖玉版曰相夫人者帝
謂湘夫人秦始皇浮江至相山逢大風而問博士相君何
神博土曰聞之堯二女舜妃也死而葬此列女傳曰二
女死於江相之間俗謂為湘君鄭司農亦以舜妃為湘
君說者皆以舜陟方而死二妃從之俱溺死於湘江遂
號為湘夫人按九歌相君相夫人自是二神江相之有
夫人猶河洛之有虞妃也此之為靈與天地並矣安得
謂之堯女且既謂之堯女安得復總云相君哉何以考
之禮記曰舜葬蒼梧二妃不從明二妃生不從征死不
從葬義可知矣即令從之二女靈達鑿通無方尚能以
鳥工龍裳救井廩之難豈當不能自免於風波而有雙
論之患乎假復如此傳曰生為上公死為貴神禮五嶽
比三公四瀆比諸侯今相川不及四瀆無秩於命祀而
二女帝者之後配靈神祇無緣當復下降小水而為夫
人也參互其義既流錯綜其理無可據斯不然
矣原其致謬之由由乎俱以帝女為名實相亂莫矯
其失習非勝是終是常遊于江淵澧沅之風交瀟湘之
古不悟可悲矣是常遊于江淵澧沅之風交瀟湘之
淵此言二女遊戲江之淵府則能鼓三江令風波之氣
共相交通言其靈響之意也江相沅水皆共會巴陵

頭故號為三江之口澧又去之七八十里而入江是在

馬淮南子曰弋釣瀟湘今所在未詳也瀟音消

九江之間地理志九江今在潯陽南江自潯陽而分出

入必以飄風暴雨是多怪神狀如人而載虵左右手操

虵多怪鳥

又東南一百八十里曰暴山其木多椶柎荆芑竹箭籊

籊籊亦篠類中其上多黃金玉其下多文石鐵其獸多

麋鹿麀就就鵬也見廣雅

又東南二百里曰即公之山其上多黃金其下多璆琤

之玉其木多柳柎檀桑有獸焉其狀如龜而白身赤首

名曰蜺詭音是可以禦火

又東南一百五十九里曰堯山其陰多黃堊其陽多黃

金其木多荆芭柳檀其草多諸蕪荒

又東南一百里曰江浮之山其上多銀砥礪無草木其獸多豕鹿

又東二百里曰真陵之山其上多黃金其下多玉其木多穀柞柳杻其草多榮草

又東南一百二十里曰陽帝之山多美銅其木多檀杻麋楮桑也其獸多麋麝

又南九十里曰柴桑之山今在潯陽柴桑縣南共廬山相連也其上多銀其下多碧多冷石楮其木多柳芭楮桑其獸多麋鹿多

白蛇飛蛇即騰地乘霧而飛者又東二百三十里曰榮余之山其上多銅其下多銀其

木多柳芭其蟲多怪蛇怪蟲

凡洞庭山之首自篇遇之山至于榮余之山凡十五山二千八百里其神狀皆鳥身而龍首其祠毛用一雄雞

一牝豚剗亦割刺之名用稌凡夫夫之山即公之山堯山陽帝之山皆冢也其祠皆肆瘞肆陳之也陳牲而後藏之祈用酒

毛用少牢嬰毛一吉玉洞庭榮余山神也其祠皆肆瘞肆竟然後依前蘊之也析酒太牢祠嬰用圭璧十五五彩惠之惠猶

言也方右中經之山志大凡百九十七山二萬一千三百七十一里大凡天下名山五千三百七十居地大凡六萬四千五十六里

千五十六里

禹曰天下名山經五千三百七十山六萬四千五十六里居地也言其五臧蓋其餘小山甚衆不足記云天地之東西二萬八千里南北二萬六千里出水之山者八千里受水者八千里出銅之山四百六十七出鐵之山三千六百九十此天地之所分壤樹穀也戈矛之所發也刀鍛之所起也能者有餘拙者不足封於太山禪於梁父七十二家得失之數皆在此內是謂國用

禪之王七
十二家也

管子地
數云封

右五臧山經五篇大凡一萬五千五百三字

山海經第五卷



